

四庫全書

經部

欽定四庫全書

經部

儀禮經傳通解續卷二

詳校官尚書臣德保

給事中臣溫常綬覆勘

總校官進士臣繆琪

校對官助教臣卜惟吉

謄錄監生臣劉本立

欽定四庫全書

儀禮經傳通解續卷二

士喪禮上 喪禮二之上

宋 黃幹 撰

錄云士喪具父母自始死至於既殯之禮喪於五禮屬凶疏申自從也既已也謂從始死已殯之後未葬之前皆錄之於此上篇案周禮大宗伯掌五禮吉凶軍賓嘉此於五禮屬凶若然天子諸侯之下皆有士此當諸侯之士知者下云君若有賜不言王又喪大記云君沐梁大夫沐稷士沐梁鄭云士喪禮沐稻此云士沐梁蓋天子之士也又大斂陳衣與喪大記不同鄭亦云彼天子之士此諸侯之士以此言之此

篇諸侯之士可知但公侯伯之士一命子男之士不  
命一命與不命皆分為三等各有上中下及行喪禮  
其節同但銘旌有異故下云為銘各以其物亡則以  
緇長半幅物謂公侯之士一命已上生時得建旌旗  
亡謂子男之士生時無  
旌旗之物者唯此為異

## 經十二

### 士喪禮

右篇目 周禮黨正凡其黨之喪紀教其禮事掌

其戒禁 記恤由之喪哀公使孺悲之孔子學士

喪禮士喪禮於是乎書

時人轉而僭上士之喪禮已廢矣孔子以教孺悲國



人乃復書而  
存之 雜記

死于適室幬用斂衾

適丁狄反幬火吳反斂力豔反後皆同 適室正寢之室也疾者齊

故于正寢焉疾時處北墉下死而遷之南墉下有牀枉  
幬覆也斂衾大斂所并用之衾衾被也小斂之衾常陳  
喪大記曰始死遷尸于牀幬用斂衾去死衣 疏曰云  
適室正寢之室也者若對天子諸侯謂之路寢卿大夫  
士謂之適室亦謂之適寢摠而言之皆謂之正寢是以  
莊三十一年秋八月公薨于路寢公羊穀梁傳云路寢  
正寢也言正寢者對燕寢與側室非正案喪大記云君  
夫人卒於路寢大夫世婦卒於適寢內子未命則死於  
下室遷尸于寢士之妻皆死于寢鄭注云言死者必歸  
於正處也以此言之妻皆與夫同處若然天子崩亦於  
路寢是以顧命成王崩延康王於翼室翼室則路寢也  
非正寢則失其所云疾者齊故于正寢焉以其齊須在

適寢正情性也云。輭覆也。斂衾大斂所并用之。衾者案喪大記。君大夫士皆小斂一衾。大斂二衾。今始死小斂之衾。當陳故不用。小斂衾以其大斂未至且用。大斂一衾以覆尸。及至大斂之時。兩衾俱用。一衾承薦於下。一衾以覆尸。故云大斂所并用之。衾引喪大記者。欲見加衣及復衣也。去之以俟沐浴是也。今案復而後行死。事則輭用斂衾。當在復章之後。然復楔齒綴足設飾帷堂。並作則亦初無先後之別。今依經文及凡傳記言始死之事。雖在復後者。皆列於此章之下。

右始死

案始死之前有有疾病等事。經文不具。今以記附見于下。

記士處

適寢寢東首于北墉下

首手又反。墉音庸。將有疾乃寢於適室。今文處為

居于為於。疏曰。凡記者皆是經不具記之使充。經文理備足也。適寢與適室一也。若不疾則在燕

寢將有疾乃寢卧于適室故變室為寢也云東首者鄉生氣之所云墉下者墉謂之墻喪大記謂之

北牖下此在北墉下亦取十一有疾疾者齊齊側月一陽生於北生氣之始故也

本又作齋正情性也適寢者不齊不居其室疏曰既有疾當齋戒正情性故也云適寢者不齊

不居其室者案鄉黨孔子齊居必遷坐祭義云致齊於內散齊於外皆在適寢但散齊得鄉外故云

於外養者皆齊養疾皆齊戒正情性也徹琴瑟去耳

去起呂反疏曰君子無大故琴瑟不離其側今以父母有疾憂不在於樂故去之案喪大記云

疾病君大夫徹縣士去琴瑟注云凡樂器天子官縣諸侯軒縣大夫判縣士特縣去琴瑟者不命之

士亦謂子男之士不命者也案去樂以疾病外病者齊故去之非為子去也疏文可疑

內皆埽

埽素到反客來問也

疾甚曰病

徹褻衣加新衣

故衣垢汙

為來人穢惡之疏曰此文承疾病者及養病者則徹褻衣據死者而言則生者亦去故衣服新衣矣徹褻衣謂故玄端已有垢汙加新衣者謂更加新朝服朝服言新則褻衣是故玄端言褻朝服是絮不褻矣各舉一邊而言明皆有兼也必知褻衣是玄端新衣是朝服者紫司服士之齊服服玄端則疾者與養疾者皆齊明服玄端檀弓云始死羔裘玄冠者易之而已羔裘玄冠則朝服故知臨死所著新衣則朝服也

御者四人皆坐持體

為不能自轉側

御者今時侍從之人注云為其不能自伸屈也若然四體各一人亦為不能自轉側詩云輾轉反側據身云不能自屈伸據手足二文相兼乃具云御者士雖無臣亦有侍

疏曰案喪大記云體一人

御僕從近人  
終於其手也

**男女改服**

為賓客來問病亦  
朝服主人深衣

**屬纊**以

**俟絕氣**

屬音燭續音曠  
紮疏曰案喪大記注云續今之新綿易

為其氣微難節也續新

動搖置口鼻之上以為候亦二注相兼  
乃具禹貢豫州貢織纊明續新綿也

**男子不絕**

**於婦人之手婦人不絕於男子之手**

備襲疏曰  
案喪大記注

云君子重終為其相襲疾時使御者持體并死于  
其手若婦人則內御者持體還死於其手僂三十

三年冬公薨於小寢左氏傳曰即安也服注云小  
寢夫人寢也禮男子不絕於婦人之手今僂公薨

于小寢譏其  
近女室也

**乃行禱于五祀**

盡孝子之情五祀博  
言之士二祀曰門曰

行疏曰云盡孝子之情者死期已至必不可求  
生但盡孝子之情故乃行禱五祀望祐助病者使

之不死也云五祀博言之士二祀曰門曰行者祭法文諸侯五祀今禱五祀是廣博言之望助之者

衆本

經記

疾病廢牀御者持體體一人

詳見喪大記案喪

大記全文與本經記大同小異今不重出節其異者載于此

士疾君一問之

詳見喪大記

乃卒

卒終也疏曰曲禮與爾雅皆云大夫曰卒士曰不祿今士不言不

祿而云卒美言之使與大夫同稱也

主人啼兄弟哭

哀有甚有否於是始去冠而笄

纓服深衣檀弓曰始死羔裘玄冠者易之疏曰云哀有甚有否者啼即泣也檀弓高柴泣血三年

注云言泣無聲如血出則啼是哀之甚發聲則氣竭而息之聲不委曲若往而不反對齊衰以下直

哭無啼是其否也禮記問喪云親始死雞斯徒跣扱上衽注云雞斯當為笄纓上衽深衣之裳前是

其親始死筭纓服深衣也引檀弓者證  
服深衣易去朝服之事也

本經記

婦人哭

踊凡哭尸于室者主人二手承衾而哭

詳見喪大記

親始死雞斯徒跣扱上衽交手哭

詳見喪禮義

始死

充充如有窮

詳見喪通禮哀戚條

始死皇皇如有求而弗

得

同上

始死三日不怠

同上

三日而食

詳見喪禮義

水漿不入於口者三日

同上

士之妻皆死于寢

詳見

喪大記

衾死而後制

詳見本篇陳小斂衣條

孔子蚤作

起作

負手曳杖消搖於門

本又作道遙欲人之怪已

歌曰泰山其

頽乎

泰山所仰

梁木其壞乎

梁木衆木所放

哲人其

萎乎

哲人亦衆人所仰放也以上二句喻之萎病也詩云無木不萎

既歌而入當

戶而坐

蚤坐急見人也

子貢聞之曰泰山其頽則吾將安

仰梁木其壞哲人其萎則吾將安放夫子殆將病

也

覺孔子歌意殆幾也

遂趨而入夫子曰賜爾來何遲也

則坐

望夏后氏殯於東階之上則猶在阼也殷人殯於

兩楹之間則與賓主夾之也周人殯於西階之上

則猶賓之也

阼才故反楹音盈以三王之禮占已夢

而丘也殷人也



予疇昔之夜夢坐奠於兩楹之間

是夢坐兩楹之間而見饋食也

言奠者以為凶象疇發聲也昔猶前也

夫明王不興而天下其孰能

宗子予殆將死也

孰誰也宗尊也兩楹之間南面鄉明人君聽治正坐之處今無

明王誰能尊我以為人君乎是我殷家奠殯之象以此自知將死

蓋寢疾七日而

沒

明聖人知命疏曰杖以扶身恒在前而用今乃反手卻後以曳其杖示不復杖也又夫子禮

度自守貌恒矜莊今乃消搖放蕩以自寬縱皆是特異尋常陵旦如此故云欲人之怪己杖曳於後示不復用消搖寬縱示不能以禮自持並將死之意狀又曰衆木椁桶之屬依放橫梁乃存立放則依也泰山梁木並指他物哲人其萎指夫子之身以二物比夫子故云以上二句喻之君子常不自

當戶已歌而入即當戶而坐故云蚤坐坐不在隱處是急欲見人夏后氏殯於東階則猶在阼周人殯於西階則猶賓之夏與周並言猶者以其既死無所知識孝子不忍以生禮待之猶尚阼階以為主猶尚西階以為賓客故言猶也殷人殯於兩楹之間不云猶者禮賓主敵者授受於兩楹之間又是南面聽朝之處蓋以夫子夢在兩楹而見饋食知是凶象無聽朝之事不得云則猶尊之以有賓主二事故云與也鄭注考工記宗廟路寢制如明堂周之明堂東西九筵南北七筵五室每室二筵堂上窄狹今得容殯者以路寢廣大故得容之其上圓下方五室之屬如明堂耳檀弓案孰能宗子但言無人尊己之道注言尊為人君既失之曳杖消搖鄭注又以為欲人怪己孔疏亦以為寬縱自放皆非所以言聖人曳杖消搖蓋其既病之餘閑適之際德容如是猶所謂逞顏色申申天天之

類初非寬縱之謂若謂將死而不以禮自持則是不以正而斃非所以示訓也

曾子有

疾召門弟子曰啓予足啓予手詩云戰戰兢兢如

臨深淵如履薄冰而今而後吾知免夫小子

扶音

集注曰啓開也曾子平日以為身體受於父母不敢毀傷故於此使弟子開其衾而視之詩小旻之篇戰戰恐懼兢兢戒謹臨淵恐隊履冰恐陷也曾子以其所保之全示門人而言其所以保之之難如此至於將死而後知其得免於毀傷也小子門人也語畢而又呼之以致反覆丁寧之意其警之也深矣

曾子有疾孟敬子問之

集注曰孟敬子魯大夫仲孫氏

名捷問之者問其疾也

曾子言曰鳥之將死其鳴也哀人之

將死其言也善

言自言也鳥畏死故鳴哀人窮反本故言善此曾子之謙辭欲敬子

知其所言之善而識之也

君子所貴乎道者三動容貌斯遠暴

慢矣正顏色斯近信矣出辭氣斯遠鄙倍矣籩豆

之事則有司存

遠近並去聲貴猶重也容貌舉一身而言暴粗厲也慢放肆也信

實也正顏色而近信則非色莊也辭言語氣聲氣也鄙凡陋也倍與背同謂背理也籩竹豆豆木豆

言道雖無所不在然君子所重者在此三事而已是皆修身之要為政之本學者所當操存省察而

不可有造次顛沛之違者也若夫籩豆之事器數之末通之全體固無不該然其分則有司之守而

非君子之所重矣同上

曾子疾病

疾困曰病

曾元抑首曾華抱

足

華元之子

曾子曰人之生也百歲之中有疾病焉有

老幼焉故君子思其不可復者而先施焉親戚既

歿雖欲孝誰為孝年既耄雖欲弟誰為弟故孝

有不及弟有不時其此之謂與

大戴記

曾子寢疾

病

病謂疾困

疏曰此一節論

樂正子春坐於牀

下

子春曾子弟子

曾元曾申坐於足

元中曾參之子

童子隅坐而

執燭

隅坐不與成人並

童子曰華而睨大夫之簀與

睨華板反

明貌孫炎云睨漆也華畫也簀謂牀第也說者以睨為刮節目字或為刮疏曰凡繪畫五色必

有光華也爾雅云簣謂之第晚者謂刮削子春曰

止以病困曾子聞之瞿然曰呼呼虛憊曰華而睨

大夫之簣與曾子曰然斯季孫之賜也我未之能

易也元起易簣未之能易以病故也疏曰病時

聞童子之言而驚駭曾元曰夫子之病革矣不可以變幸而

至於旦請敬易之革紀力反徐又音極急也言

以為卿而不為也革急也變動也幸覲也曾子曰爾之愛我也不如彼

彼童子也君子之愛人也以德成已細人之愛人也以

姑息

息猶安也言苟容取安也

吾何求乎哉吾得正而斃焉斯

已矣

斃仆也疏曰言君子愛人必以善事成己之德細小人之愛人也不顧道理且相寧息

耳吾今更何求焉唯求正道舉扶而易之反席未

安而歿

言病雖困猶勤於禮檀弓下同

子張病召申祥而語

之曰君子曰終小人曰死

申祥子張子欲使執喪成己志也死之言漸也

事卒為終消盡為漸太史公傳曰子張姓顓孫今日申祥周秦之聲二者相近未聞孰是吾今

日其庶幾乎

疏曰若君子之死謂之為終言但身終功名尚在若小人之死但謂之為

死無功名可錄但形骸漸盡也庶幸也幾冀也言吾若平生為惡不可幸冀為君子之人吾既平生

以善自修今日將死其幸莫為君子乎汝但執喪成禮以助我意則功名得存但身終而已今紫子張所云君子小人曰終曰死之別蓋言人生斯世當盡人道君子之人人道既盡則其死也為能終其事故以終稱之若小人則無可盡之道只是形氣消盡故稱之曰死終以道言死以形言子張言庶幾者蓋以生平持身惟恐有不盡之道今至將沒幸其得以盡道而終故以為言亦猶曾子知免之意觀其將死喜幸之言足以見其生平恐懼之意正學者所當用力也今注家以為欲使執喪成己志疏家又以為但身終功名尚存幾本訓近又訓為冀皆不可曉學術不明其弊至此不可不辨

衛太子蒯瞶迫孔悝季子曰食焉不辟其難

入曰太子焉用孔悝雖殺之必或繼之太子下石



乞孟釐敵子路以戈擊之斷纓子路曰君子死冠

不免結纓而死

哀公十五年  
左氏春秋傳

復者一人以爵弁服簪裳于衣左何之扱領于帶

簪側  
林反

劉左南反何户我反又音河扱初洽反劉初輒反  
者有司招魂復魄也天子則夏采祭僕之屬諸侯則小  
臣為之爵弁服純衣纁裳也禮以冠名服簪連也純  
側其反纁許云反疏曰言復者一人者諸侯之士一  
命與不命並皆一人案雜記云復西上者鄭注云北面  
而西上陽長左也復者多少各如其命之數若上公九  
命則依命數九人之類云復者有司者案喪大記復者  
小臣士家不得同僚為之則有司府史之等也不言所  
著衣服者案喪大記小臣朝服下記亦云復者朝服則  
尊卑皆朝服可知必著朝服者朝服平生所服以事君

之衣也朝服而復冀精神識之而來反衣以其事死如  
事生故復者皆朝服也云招魂復魄也者出入之氣謂  
之魂耳目聰明謂之魄死者魂神去離於魄今欲招取  
魂來復歸于魄故云招魂復魄也云爵弁服純衣纁裳  
也者案士冠禮云陳服於房中西墉下東領北上爵弁  
服纁裳純衣是也士用爵弁者案雜記云士弁而祭於  
廟士復用助祭之服則諸侯已下皆用助祭之服可知  
故雜記云復諸侯以褒衣冕服爵弁服冕服者有六除  
大裘有袞冕驚冕毳冕絺冕玄冕上公袞冕而下侯伯  
驚冕而下子男毳冕而下孤自絺冕而下卿大夫玄冕  
亦皆加爵弁士爵弁而已王后以下案雜記云復夫人  
稅衣揄狄闕狄鞠衣展衣祿衣王后及上公夫人二王  
後及魯之夫人皆用禕衣下至祿衣侯伯夫人與王之  
三夫人同揄狄以下至祿衣子男夫人與三公夫人自  
闕狄以下至祿衣孤之妻與九嬪鞠衣展衣祿衣卿大

夫妻與王之世婦展衣祿衣士妻與女御祿衣而已云  
禮以冠名服者案士冠禮皮弁爵弁並列於階下執之  
而空陳服於房云皮弁服爵弁服是以冠名服鄭言此  
者欲見復時唯用緇衣纁裳不用爵弁而經言爵弁服  
是禮以冠名服也云簪連也者若凡常時衣  
服衣裳各別今此招魂取其便故連裳於衣

柴中屋北面招以衣曰皋某復三降衣于前

中如字劉丁仲反

北面招求諸幽之義也皋長聲也某死者之名也復反  
也降衣下之也喪大記曰凡復男子稱名婦人稱字  
疏曰案喪大記復有林麓則虞人設階無林麓則狄人  
設階鄭云階所乘以升屋者階梯也窆簾之類復聲必  
三者禮成於三死者必歸幽暗之方故北面招之男子  
稱名婦人稱字案喪服小記云男子稱名婦人書姓與  
伯仲  
是也  
受用篚升自阼階以衣尸  
篚方鬼反本或作篋若協反衣於既反注及衣

尸同受者受之於庭也復者其一人招則受衣亦一人也人君則司服受之衣尸者覆之若得魂反之疏曰降衣簷前受而升自阼階明知受之於堂下在庭可知云復者其一人招則受衣亦一人也者以其服惟一領明知各一人也自再命以上受者亦各依命數云人君則司服受之者案喪大記云北面三號捲衣投于前司服受之以其大夫士無司服之官明據君也云衣尸者覆之若得魂反之喪大記又云復衣不以衣尸不以敵謂此復衣浴而去之不用襲復者降自後西禁前降敵此云覆之直取魂魄反而已復者降自後西禁不以虛反也降因徹西北扉若云此室凶不可居然也自是行死事扉扶味反本或作扉音非疏曰凡復者緣孝子之心望得魂氣復反復而不蘇則是虛反今降自後是不欲虛反也案喪大記將沐甸人為壙于西牆下陶人出重鬲管人受沐乃煮之甸人取所徹廟之西北扉薪而爨之諸文不見徹扉薪之文故知復者降

時徹西北扉也西北名為扉者案特牲尸謾之後改饌於西北隅以為陽厭而云扉用筵鄭云扉隱故以西北隅為扉也自是行死事者下文楔齒綴足之等是也

右復 記復者朝服左執領右執要招而左

朝直

要一遙反 衣朝服服未可以變 衣於既反 疏曰云招而左者以左手執領還以左手以領招之招魂所以求生左陽陽主生故用左復者士之有司著朝服左執領謂爵弁服云衣朝服服未可以變者謂始死未可以變之服凶服 以其復所以求生故也 本經記 士以爵弁

士妻以稅衣皆升自東榮中屋履危北面三號捲衣投于前司服受之降自西北榮復衣不以衣尸

不以斂婦人復不以衾凡復男子稱名婦人稱字

唯哭先復復而後行死事

詳見喪大記

復與書銘自

天子達於士其辭一也男子稱名婦人書姓與伯

仲如不知姓則書氏

同上

邾婁復之以矢蓋自戰

於升陞始也

邾音誅婁力俱反或如字陞音形戰於升陞魯僖二十二年秋也時師

雖勝死傷亦甚無衣可以招魂疏曰必用矢者時邾人志在勝敵矢是心之所好所用所好招魂冀

其復反然招魂唯據死者而鄭兼云傷者以其因兵而死身首斷絕不生者應無復法若身首不殊

因傷致死復有可生之理者則用矢招魂

檀弓 復楔齒綴足飯設飾

帷堂並作

楔悉節反飯煩晚反設飾謂遷尸又加新衣疏曰招魂之後用角栖柱亡

人之齒令開使含時不辟戾也飯者飯含也設飾者謂令直使著屨時不辟戾也飯者飯含也設飾者謂襲斂遷尸之時又加新衣也帷堂者謂小斂時並作者作起為也自復以下諸事並起以帷堂故云檀弓

楔齒用角栖

楔

息結反為將含恐其口閉急也含戶暗反本亦作嗒疏曰此角栖其形與

扱醴角栖制別故屈之如輓中央入口兩末綴足用燕向上取事便也以其兩末向上出入易故也綴足用燕

几

綴丁劣反劉張歲反綴猶拘也為將屨恐其辟戾也今文綴為對辟音壁下力計反疏曰案喪大

記小臣楔齒用角栖綴足用燕几君大夫士一也又案周禮天官玉府大喪共含玉復衣裳角枕角栖則自天

欽定四庫全書

儀禮經傳通解續

圭

予已下至於士其禮同言燕几者燕安也當在燕寢之內常憑之以安體也

右楔齒綴足

案復與楔齒綴足之間有遷尸一節經文不具今以記附見于下

記設牀第當牖衽下莞上簟設枕

第側几反衽而甚反又而鵠反

病卒之間廢牀至是設之事相變衽臥席古文第為茨疏曰喪大記云疾病寢東首於北牖下

廢牀是其始死亦因在地無牀復而不蘇乃設牀於南牖下有枕席是病卒之間廢牀於是設之是生死事相變也衽臥席者曲禮云請席何鄉請衽何趾鄭云坐問鄉臥問趾因於陰陽是衽為臥席昏禮注云遷尸徙於牖下也於是輓衽臥席也遷尸用斂衾本經記

始死遷尸

于牀輓用斂衾去死衣小臣楔齒用角柶綴足用



燕几君大夫士一也

詳見喪大記

楔貌如輓上兩末

輓於革反 事便也 今文輓作兀 疏曰如輓謂如馬鞅輓馬領亦上兩末令以屈處入口取出時

易故云 事便也綴足用燕几校在南御者坐持之枝劉胡飽反一

音苦交反 校脰也 尸南首几脰在南以拘足則不得辟戾矣 古文校為枝 辟必亦反 疏曰古

者几兩頭各施兩足今則夾以豎用之 尸南首足鄉北故以几脚鄉南以夾足恐几歌側故使生存

侍御者一人坐持夾之使足不辟戾可以著屨也 未經記掘中雷而浴毀

竈以綴足及葬毀宗躡行出于大門殷道也學者

行之雷力救反 明不復有事於此 周人浴不掘中雷葬不毀宗 躡行毀宗 毀廟門之西而出

行神之位在廟門之外云學於孔子者行之倣殷禮疏曰此每一條義兼二事中雷室中也死而掘室中之地作坎一則言此室於死者無用二則以牀架坎上尸於牀上浴令浴汁入坎也毀竈以綴足者一則死而毀竈示死無復有飲食之事二則恐死人冷強足辟戾不可著屨故用毀竈之甕連綴死人足令可著屨也又曰云周人浴不掘中雷者用盤承浴汁也是以喪大記浴水用盆沃水用料沐用瓦盤也然周家亦不毀竈綴足而鄭注不云者以周綴足用燕几其文可見故此不言耳及葬毀宗躐行出于大門者亦義兼二事毀宗毀廟也殷人殯於廟至葬柩出毀廟門西邊墻而出于大門所以然者一則明此廟於死者無事故毀之也二則行神之位在廟門西邊當所毀宗之外若生時出行則為壇幣告行神告竟車躐行壇上而出使道中安穩如在壇今嚮毀宗處出仍得躐此

行壇如生時之出也故云毀宗躐行出于大門也  
殷道也者道禮也上三句皆是殷禮也又曰云周  
人葬不毀宗躐行者周殯於正寢至葬而朝廟從  
正門出不毀宗也云毀宗廟門之西而出者廟門  
西邊牆也云行神之位在廟門之外者以其毀宗  
故云躐行故知行神在廟門之外當毀處之外也

檀

弓

奠脯醢醴酒升自阼奠于尸東

鬼神無象設奠以馮依之疏曰案檀弓

曾子云始死之奠其餘閣也與鄭注云不容改新也則此奠是閣之餘食為之案下小斂一豆一簋大斂兩豆兩簋此始死俱言亦無過一豆一簋而已此醴酒雖俱言亦料用其一不並用以其小斂酒醴具有此則未具是其惟堂事小訖也疏曰云事小訖也者以其未襲斂必惟之者鬼神尚幽闇故也

右始死奠帷堂記即牀而奠當牖用吉器若醴

若酒無帛

牖五口反劉五侯反牖肩頭也用吉器未變也或卒無醴用新酒卒七

忽反疏曰即就也謂就尸牀而設之尸南首則在牀東當尸肩頭也云用吉器器未變也者謂未

忍異於生故未變至小斂奠則變罷豆之等為變矣云或卒無醴用新酒者以其始死卒未有醴則

用新酒若有醴則用之不更用酒以其始死不備故也若小斂以後則酒醴具設無二醴酒是也

本經曾子曰始死之奠其餘閣也與不客改新

物度九毀反又居僞反疏曰始死之奠者鬼神所依於飲食故必有祭酹但始死未容改異故

以生時度閭上所餘醢脯以為奠也閭架橙之屬人老及病飲食不離寢故近置室裏閣上若死仍

用閭之餘奠者不  
容改新也 檀弓

乃赴于君主西階東南面命赴者拜送

赴告也臣君之股肱耳目

死當有恩 疏曰君之股肱耳目死當有恩是以下有弔及贈襚之事也 紫檀弓云父兄命赴者鄭注云謂大

夫以上也士主人親命之是尊卑禮異也

有賓則拜之

賓僚友羣士也其位猶朝夕哭矣 疏曰

此謂因命赴者有賓則拜之若不因命赴者則不出是以下云唯君命出鄭云始喪之日哀戚甚在室故不出是也同官為僚同志為友羣士即僚友也以其始死唯赴君此僚友先知疾重未赴即來明是僚友之士非大夫及疏遠者若有大夫則經辨之而稱大夫是以下文因君襚即云有大夫則特拜之是也云其位猶朝夕哭矣者謂奠弔位猶如賓朝夕哭位其主人之位則異於朝夕而在西階東南面拜之拜訖西階下東面下經所

云拜大夫之位是也

右命赴拜賓 記赴曰君之臣某死赴母妻長子

則曰君之臣某之某死

長丁丈反 丈赴作計

赴走告也 今疏曰云母妻

長子則曰君之臣某之某死者上某是士名下某是母妻長子假令長子則云長子某若母妻則婦人不以名行直云母與妻也云赴走告也者言赴取急疾之意故云赴走告也云今云赴作計者雜記作計者義取以言語相通亦一塗也 本經記

士赴於同國大夫曰

某死計於士亦曰某死計於他國之君曰君之外臣某死計於大夫曰吾子之外私某死計於士亦

曰吾子之外私某死

詳見喪大記

五廟之孫祖廟未

毀雖為庶人死必赴練祥則告

赴告於君也實四廟孫而言五廟者

容顯考為始封子也

疏曰此論族人雖或至賤

吉凶必須相告經云祖

廟未毀謂同高祖若高祖

以下唯有四廟今云五廟故注云容顯考為始封

子是高祖為四世也其五世祖是始封之君自五世以下其廟不毀故為

五廟也

文王世子

入坐于牀東衆主人在其後西面婦人俠牀東面

俠古洽反

衆主人庶昆弟也婦人謂妻妾子姓也亦適妻在前

疏曰此論主人以下哭位云入坐者謂上文主人拜

賓訖入坐于牀東其衆主人直言在其後不言坐則立

可知婦人雖不言坐案喪大記婦人皆坐無立法言俠

牀者男子牀東婦人牀西以近而言也。案喪大記士之喪主人父兄子姓皆坐此。除主人之外不坐者。此據命士彼據不命之士。案喪大記大夫之喪有命夫命婦則坐無則皆立。是大夫之喪尊者坐卑者立。是知非主人皆立。據命士大記云尊卑皆坐。據不命之士云婦人謂妻妾子姓者。下云親者在室。其中有姑姊妹。故此注直言妻妾子姓也。適妻在前者亦主親者在室。謂大功以上人在衆主人前也。適丁狄反。親者在室。父兄姑姊妹子姓在此者。疏曰大功以上有同財之義。相親昵之理。下有衆婦人戶外。據小功以下。疏曰云父兄姑姊妹子姓在此者。父謂諸父兄。謂諸兄從父昆弟。姑謂主人之姑姊妹。從父姊妹子姓。謂主人之孫於死者為曾孫玄孫。曾孫為曾祖。高祖齊衰三月當在大功親之內。故云子姓在此者。

衆婦人戶外北面

衆兄弟堂下北面

衆婦人衆兄弟小功以下。疏曰案喪服記云兄弟皆在他邦加一等傳。



曰小功以下為兄弟是以知婦人在戶外是小功以下可知若然同是小功以下而男子在堂下者以其婦人

有事當堂及房不合在下故男

子在堂下婦人戶外堂上耳

右室中位 記室中唯主人主婦坐兄弟有命夫

命婦在焉亦坐

別尊卑也 別彼列反 疏曰云兄弟有命夫命婦在焉亦坐者若

無命夫命婦則皆立可知此士喪禮故鄭云別尊卑也尊謂命夫命婦案大記君之喪主人主婦坐

以外皆立若大夫喪主人主婦命夫命婦皆坐以外皆立也士之喪主人父兄主婦姑姊妹皆坐鄭

云士賤同宗尊卑皆坐此命夫命婦之外立而不坐者此謂有命夫命婦來兄弟為士者則立若無

命夫命婦則同宗皆坐也 本 既正尸主人父

經記

案疏文前後抵牾未詳

兄子姓皆坐于東方主婦姑姊妹子姓皆坐于西

方

詳見喪大記 案士禮坐位有室中戶外堂下之分今喪大記但云東西蓋亦舉其大略當以

經文  
為正

君使人弔徹帷主人迎于寢門外見賓不哭先入門右

北面

使人士也禮使人必以其爵使者至使人入將命乃出迎之寢門內門也徹帷屋之事畢則下之

弔劉毛據反閉也

疏曰禮使人必以其爵者君使人

弔士亦使士也此儀禮見諸侯弔法若天子則不以其

爵各以其官是以周禮大僕掌三公孤卿之弔勞小臣

掌士大夫之弔勞御僕掌掌更之弔勞又宰夫凡邦之

弔事掌其戒令與幣器是皆以官不以爵也將命謂傳

賓主人之言賓者也案下小斂後云有襚者則將命賓

者出請入告注云喪禮略於威儀既小斂擯者乃用辭此雖有擯者未用辭故不云擯者出請入告直云主人出迎也云寢門內門也者以其大夫士唯有兩門有寢門外門下云主人拜送于外門外故知此寢門內門也云徹帷屋之者謂褰帷而上非謂全徹去知事畢則下之者案下君使人撻徹帷明此事畢下之可知弔

者入升自西階東面主人進中庭弔者致命

主人不升賤也致命

曰君聞子之喪使某如何不淑寢門外此云弔者入謂入寢門以其死在適寢云主人

疏曰上云主人迎于

不升賤也者對大夫之喪其子得升堂受命案喪大記大夫於君命迎于寢門外使者升堂致命主人拜于下言拜於下明受命之時得升堂以此言之士受君命不得升堂以其賤是以大戴禮云大夫於君命升聽命降拜是也云致命曰以下鄭知有此辭者案雜記諸侯使人弔鄰國之君喪而云寡君聞君之喪寡君使某如何

不淑彼據鄰國之君故稱寡此使士  
弔己國之士故直云君不言寡也  
主人哭拜稽顙成

踊稽顙頭觸地成踊三者三  
成踊三者三者紫曾子問君薨世子生三日告殯云

衆主人卿大夫士哭  
踊三者三凡九踊也  
賓出主人拜送于外門外

右君使人弔  
記尸在室有君命衆主人不出

主疏曰經直云主人唯君命出不言衆主人故  
記人辨之云衆主人不出在尸東耳  
本經記

凡主人之出也徒跣扱衽拊心降自西階

詳見喪大

記  
凡主人出條並通用

君使人綏徹帷主人如初綏者左執領右執要入升致

命襚音遂衣服曰襚要一遙反後放此襚之言遺也

衣被曰襚致命曰君使某襚遺唯季反疏曰云

主人如初者如上弔時迎於寢門外以下之事也云襚之言遺也者左傳隱元年秋七月天王使宰咺來歸惠

公仲子之賵穀梁傳曰乘馬曰賵衣衾曰襚貝玉曰含錢財曰賵是也云致命曰君使某襚者亦約雜記文此

君襚雖在襲前主人襲與小斂俱不得用君襚至大斂乃用之故下文大斂之節云君襚不倒注云至此乃用

君襚主人先自盡是也主人拜如初主人先自盡是也主人拜如初主人先自盡是也主人拜如初

初唯君命出升降自西階遂拜賓有大夫則特拜之即

位于西階下東面不踊大夫雖不辭入也唯君命出以下明大夫以下

時來弔襚不出也始喪之日哀戚甚在室故不出拜賓也大夫則特拜別於士旅拜也即位西階下未忍在主

人位也不踊但哭拜而已不辭而主人升入明本不為  
賓出不成禮也疏曰云主人拜如初者亦如上主人  
進中庭哭拜稽顙成踊云禭者入衣尸出者紫既夕記  
禭者委衣于牀不坐衆禭者委於牀上不坐則此禭者  
左執領右執要以衣尸亦不坐云唯君命出者欲見孤  
卿大夫士雖有弔禭來皆不出故云唯著異也云遂拜  
賓者因事曰遂以因有君命故拜賓若無君命則不出  
戶云大夫雖不辭入也者謂主人小斂後賓致辭云如  
何不淑乃復位踊今以初死大夫雖不辭主人升入室  
云未忍在主人位也者至小斂後始就東階下西南面  
主人位也云明本不為賓出不成禮也  
者揔解不為之踊及雖不辭而入二事

右君使人禭士於大夫親弔則與之哭不逆於

門外

詳見喪大記以下凡大夫弔並通用  
凡主人之出已見君使人弔條當互考

親者祔不將命以即陳

大功以上有同財之義也不將命不使人將之致於主人也即

陳陳在房中

疏曰大功以上謂并異門齊衰故

庶兄

弟祔使人以將命于室主人拜于位委衣于尸東牀上

庶兄弟即衆兄弟也變衆言庶容同姓耳將命曰某使某祔拜于位室中位也

疏曰云變衆言庶容同姓耳

者以同姓絕服者有祔法鄭必知變衆言庶即容同姓者見喪服不杖麻屨章士言衆子大夫言庶子鄭云士謂之衆子未能遠別也是庶者疏遠之稱故知言庶者同姓云將命曰某使某祔者某謂庶兄弟名使某祔者名但庶兄弟是小功總麻之親在堂下使有司歸家取服致命於主人若同姓容不在始來弔祔也云拜于位室中位也者以其非君命朋友祔親以進主人拜委衣不出故知拜于室中位也

如初退哭不踊

親以進親之恩也退下堂反賓位也主人徒哭不踊別於君祔也疏曰上文

君祔之時主人哭拜稽顙成踊此朋友祔主人徒哭不踊故云別於君祔別彼列反

徹衣者執

衣如祔以適房

凡於祔者出有司徹衣疏曰上文君祔之時祔者左執領右執要此徹衣者

亦左執領右執要故云如祔也案此徹衣之文在諸祔者之下故云凡於祔者出有司徹衣

右君使人祔親友祔士於大夫親弔則與之哭

不逆於門外

詳見喪大記以下凡大夫弔並通用凡主人之出已見君使人弔條

當互考

記祔者委衣于牀不坐

牀高由便疏曰云牀高由便者曲

禮云授立不跪授坐不立此牀高亦如授立不坐之義故云由便也其祔于室戶西



北面致命

始死時也

疏曰云始死時者謂未小斂之前尸在室中戶西故北面致命若

小斂之後奉尸俛于堂則中庭北面致命本經記

為銘各以其物亡則以緇長半幅經末長終幅廣三寸

書銘于末曰某氏某之柩

銘忙丁反經丑貞反銘明旌也雜帛為物大夫之所建

也以死者為不可別故以其旗識識之愛之斯錄之矣亡無也無旌不命之士也半幅一尺終幅二尺在棺為

柩今文銘為旆也

旗識識之上音試下音式亦

音試

疏曰士喪禮記公侯伯之士一命亦記子

男之士不命故此銘旌總見之也云為銘各以其物者案周禮司常大夫士同建雜帛為物今云各以其物而

不同者雜帛之物雖同其旌旗之杠長短則異故禮緯云天子之旗九刀諸侯七刀大夫五刀士三刀但以

尺易刃故下云竹杠長三尺長短不同故言各以別之  
此據侯伯之士一命者也云銘明旌也者檀弓文言雜  
帛者為旌旗之繆以絳帛為之以白色之帛裨緣之是  
也云以死者為不可別故以其旗識之愛之斯錄之矣  
此檀弓文鄭注檀弓云謂重與奠此引證銘旌者鄭君  
兩解之彼魚有重與奠是錄死者之義此銘旌是錄死  
者之名故兩注不同無旌不命之士也者謂子男之士  
也云半幅一尺終幅二尺者經直云長半幅不言廣則  
亦三寸云經末長終幅廣三寸則廣三寸總結之但布  
幅二尺二寸今云二尺者鄭君計侯與深衣皆除邊幅  
一寸此明兩邊除二寸而言之凡書銘之法案喪服小  
記云復與書銘自天子達於士其辭一也男子稱名婦  
人書姓與伯仲鄭注云此謂殷禮也殷質不重名復則  
臣得名君周之禮天子崩復曰皐天子復諸侯薨復曰  
皐某甫復其餘及書銘則同以此而言除天子諸侯之  
外其復男子皆稱姓名是以此云某氏某之柩云在棺

為樞者曲禮文以其銘旌  
表柩不表屍故據柩而言  
竹杠長三尺置于宇西階上  
杠音江 杠銘檀也宇杠也 檀夫江反 疏曰此始  
造銘訖且置于宇下西階上待為重訖以此銘置於重  
又下文卒塗始置於殯若然此時未用權置於此也云  
宇杠也者紫爾雅釋宮云檐謂之摘郭云屋招謂當檐  
下故特牲記云饔饔在西壁鄭注云西壁堂  
之西墻下舊說云南北直屋招攬在南是也

# 右為銘

復與書銘自天子達於士其辭一也

詳見

本篇  
復章

甸人掘坎于階間少西為塋于西墻下東鄉

甸大練反掘其勿反

又其月反塋音役鄉許亮反 甸人有司主田野者塋  
塊窀西墻中庭之西今文鄉為面 疏曰紫既夕記云

掘坎南順廣尺輪二尺深三尺南其壤下文沐浴餘潘及巾衾等棄埋之於此坎也云甸人有司主田野者案周禮甸師是掌田野士雖無此官亦有掌田野之人謂之甸人云堡塊竈者案既夕記云堡用塊是以塊為竈名為堡用之以煮沐浴者之渚水知在中庭之西者經直云于西墻下不繼階宇明近南中庭之西也

新

盆槃瓶廢敦重鬲皆濯造于西階下

敦劉音對又都愛反重直容反鬲音

歷濯丈角反造七報反新此瓦器五種者重死事盆以盛水槃承渙濯瓶以汲水也廢敦敦無足者所以盛米也重鬲鬲將縣於重者也濯滌漑也造至也猶饌也以造言之喪事遽渙奴亂反縣音玄疏曰盆祝漸米時所用槃置於尸牀下盛餘潘水名為渙濯知以此槃盛者下文云士有水用夷槃彼是寒尸之槃故知此承渙濯云瓶者管人汲用此瓶也知廢敦敦無足者下文徹朔奠云敦啓會面足注云面足執之是其有足直

名敦凡物無足稱廢是以士虞禮云主人洗廢爵注云爵無足是也云重鬲鬲將縣重者也下文鬻餘飯乃縣於重此時先用煮潘沐故云將縣重者也以其事未至故言將也云以造言之喪事遽者以其不言饌造是造次故以造言也

**陳襲事于房中西領南上不綰**

綰注作綰側庚反

襲事謂衣服也綰讀為綰綰屈也襲事少上陳而下不屈江沔之間謂縈收繩索為綰古文綰皆為精疏曰自此至繼陳不用論陳襲所用之事云襲事謂衣服者此先陳之至下文商祝襲時乃用之但用者三稱而已其中庶襪之等雖不用亦陳之以多為貴案下小斂大斂先陳先用後陳後用次第而陳此襲事以其初死先成先陳後成後陳喪事遽備之而已故不依次也云襲事少上陳而下不屈者所陳之法房中之東西領南上以衣裳少從南至北則盡不須綰屈知戶東陳之者取之便故也江沔之間以縈收繩索為綰引之證取綰是

屈義也

# 明衣裳用布

所以親身為圭絜也

疏曰下記云

下浴訖先設明衣故知親身也云為圭絜也者以其言明明者絜之義

## 髻笄用桑長四寸

### 纓中

髻劉音膾又戶膾反纓音憂一音何侯反桑之為言喪也用為笄取其名也長四寸不冠故也纓

笄之中央以安髮疏曰以髻為髻義取以髮會聚之意為喪所用故用桑是以云取其名也云長四寸不冠故也者凡笄有二種一是安髮之笄男子婦人俱有即此笄是也一是為冠笄皮弁笄爵弁笄唯男子有而婦人無也此二笄皆長不唯四寸而已今此笄四寸者僅取入髻而已以其男子不冠冠則笄長矣下記云其母之喪髻無笄注云無笄猶丈夫之不冠也以此言之生時男子冠婦人笄今死婦人不笄則知男子亦不冠也家語云孔子之喪襲而冠者家語王肅之增改不可依用也云纓笄之中央以安髮者兩頭濶中央狹則於髮

安故云以安髮也

# 布巾環幅不鑿

環幅廣袤等也不鑿者士之

上賓為之含當口鑿之嫌有惡古文環作還廣袤古

曠反下音茂為于偽反下同惡烏路反疏曰此為飯

含而設所以覆死者面云廣袤等也者布幅二尺二寸

鄭計布廣狹例除邊幅二寸以二尺為率則此廣袤等

亦二尺也云不鑿者士之子親含雜記云鑿巾以飯公

羊賈為之也鄭云記士失禮所由始也士親飯含必發

其巾大夫以上賓為飯焉則有鑿巾以其大掩練帛廣

夫以上有臣臣為賓賓飯舍嫌有惡故鑿之也掩練帛廣

## 終幅長五尺析其末

掩劉音掩析西歷反掩裏首也

項中裏音果疏曰掩若今人幘頭但死

者以後二脚於頤下結之與生人為異也瑱用白纁

瑱他見反纁音曠劉古曠反瑱充耳纁新綿疏曰

充耳充即塞也生時人君用玉臣用象又著詩云充耳

以黃之等注云所以懸璚則生時以黃以素以玉象等為之示不聽讒今死者直用纁塞耳而已異於生也禹貢豫州貢絲纁故知纁

幘目用緇方尺二寸

繫

幘依注音繫於營反劉宛名反又武通反又音綿繫戶計反幘目覆面者也幘讀若詩云葛藟繫之之

縈

經赤也著充之以絮也組繫為可結也古文幘為綱疏曰云組繫為可結者以四角有繫於後結之故有

組繫也

握手用玄纁裏長尺二寸廣五寸牢中旁寸著組

繫

握於角反劉烏豆反牢音樓牢讀為樓樓謂削約握之中央以安手也今文樓為纁旁為方疏曰名

此衣為握以其在手故言握手不得以手握之云牢讀為樓樓謂削約握之中央以安手也者經云廣五寸牢中旁寸者則中央廣三寸廣三寸中央又容四指而已四指指一寸則四寸四寸之外更有八寸皆廣五寸也



讀從樓者義取樓斂挾少之意  
云削約者謂削之使約少也  
決用正王棘若擇棘組

繫續極二

擇音澤  
拾既飲正善也

決猶闔也挾弓以橫執弦詩云決

可以為決極猶放弦也以沓指放弦令不挈指也生者

以朱常為之而三死用續又二明不用也古文王為三

今文擇為澤世俗謂王棘砭鼠  
砭計反砭劉音託  
疏曰云挾弓以橫執弦者方持弓

矢曰挾未射時已然至射時還依此法以闔弦引詩者

證決是闔弦之物云王棘與擇棘者祇用其一皆得不

兼用云以沓指放弦令不挈也者謂以此二者與決為

籍令弦不決挈傷指耳云生者以朱韋為之而三者大

射所云朱極三者是也彼但為君設文引證此士禮  
則尊卑生時俱三皆用朱韋死者尊卑同二用續也  
冒

緇質長與手齊經殺掩足

冒亡報反齊如字又才計反  
殺所界反劉色例反  
冒韞

尸者制如直囊上曰質下曰殺質正也其用之先以殺  
韜足而上後以質韜首而下齊手上玄下纁象天地也  
喪大記曰君錦冒黼殺綴旁七大夫玄冒黼殺綴旁五  
士緇冒黼殺綴旁三凡冒質長與手齊殺三尺而上  
士掌反疏曰云制如直囊者下經云設冒橐之云上  
曰質下曰殺質正也者案此經以冒為揔目下別云質  
與殺自相對則知上曰質質正者以其在上故以正為  
名喪大記君與大夫士皆以冒對殺不云質則冒既揔  
名亦得對殺為在上之稱皆綴旁者以其冒無帶又無  
鈕一定不動故知旁綴質與殺相接之處使相連尊卑  
降殺而已云其用之先以殺韜足而上後以質韜首而  
下齊手者凡人著服先下後上又質長與手齊殺長三  
尺人有短者質下爵弁服純衣純莊其反謂生時爵  
覆殺故後韜質也爵弁服純衣純莊其反謂生時爵  
纁裳古者以冠名服死者不冠所衣於既反疏曰  
云謂生時爵弁之服也者即士之常服以助祭者也死

者不冠而經云爵弁皮弁此直取以冠名服不用其冠皮弁服其服白布衣素裳也疏曰知其服白布衣素裳者士冠禮注衣與冠同色裳與屨同色以皮弁白而白屨故士冠禮云素積白屨是也雜記云朝服十五升則皮弁天祿衣祿他亂反子朝服與諸侯朝服同十五升布也祿衣祿他亂反赤祿之謂之祿祿之言緣也所以表袍者也喪大記曰衣必有裳袍必有表不禪謂之一稱古文祿為緣禪音丹稱尺證反疏曰知此祿衣是黑衣裳者以其士冠禮陳三服玄端皮弁爵弁有玄端無祿衣此士喪襲亦陳三服與彼同此無玄端有祿衣故知此祿衣則玄端者也玄端有三等裳此喪禮質略同玄裳而已但此玄端連衣裳與婦人祿衣同故變名祿衣也連衣裳者以其用之以表袍袍連衣裳故也是以雜記云子羔之襲也繭衣裳與稅衣繭衾曾子曰不襲婦服彼曾子譏用繭衾不譏其稅衣是稅衣以表袍故連衣裳而名祿

衣雜記云繭衣大記云袍不同者玉藻云繭為繭繭為袍鄭云衣有著之異名也其實連衣裳一也云赤緣謂之緣者爾雅文彼釋婦人嫁時祿衣此祿衣雖不赤緣祿衣之名同故引為證也祿字或作稅

黑繒之帶 疏曰上雖陳三服用一帶者按玉藻云士練帶緇辟是黑繒之帶據禪者而言也但生時著服不重各設帶此襲時

韎韐 韎音妹又武合反劉又武八三服共一帶為異也韎韐反韐音妹又武合反劉又武八

命縕韐 縕音蘊劉為本反韐音弗 疏曰韎者據色而言以韎色染之取其赤韐者合韋而為之故名韎韐也云一命縕韐者玉藻文但祭服謂之韐他服謂之韠士一命名為韎韐亦名縕韐不得直名韐也但士冠禮玄端爵韠皮弁素韠爵弁服韎韐今亦竹笏

三服共設韎韐者以其重服亦如帶矣竹笏思對命者玉藻曰笏天子以瑀玉諸侯以象大夫以魚須文竹士以竹本象可也又曰笏度二尺有六寸其中博三寸具

殺六分而去一又曰天子搢珽方正於天下也諸侯荼  
前誡後直讓於天子也大夫前誡後誡無所不讓今文  
笏作忽疏曰云笏所以書思對命者亦玉藻文引玉  
藻者證天子以下笏之所以書思對命者亦玉藻文引玉  
言公侯不言伯子男亦與公侯同按彼鄭注云謂之珽  
珽之言珽然無所屈也或謂之大圭長三尺荼讀為舒  
遲之舒舒懦者所畏在前也誡謂園殺其首不為推頭  
諸侯唯天子誡焉是以謂笏為荼大夫奉君命出入者  
也上有天子下有己君又殺其下而園前後皆  
誡故云無所不讓彼雖不言士士與大夫同夏葛屨  
冬白屨皆縊緇絢純組綦繫于踵劉縉於力反純諸允反  
音其記反踵諸勇反冬皮屨變言白者明夏時用葛  
亦白也此皮弁之屨士冠禮曰素積白屨以魁柎之緇  
絢縊純純博寸綦屨係也所以拘止屨也綦讀如馬絆  
綦之綦柎方于反疏曰夏言葛冬當用皮冬言白

明夏亦用白又士冠禮云爵弁纁屨素積白屨玄端黑屨以三服各自用屨屨從裳色其色自明今死者重用其服屨唯一故須見色若然三服相參帶用玄端屨用皮弁韎韐用爵弁各用其一以當三服而已云此皮弁之屨者以其色白即所引士冠禮素積白屨是也引緇上明亦用緇可知緇謂條在牙底相接之縫中約在鼻純謂緣口皆以條為之但舄則對方為績次屨則比方為績次為異耳云綦屨係也者經云繫于踵則綦當屬于跟後以兩端向前與約相連于脚跗踵足之上合結之名為繫于踵也云讀如馬絆綦之綦者此無正文蓋俗讀馬有絆名為綦拘止馬使不得浪去此屨綦亦拘止屨使不縱誕也庶綦繼陳不用庶衆也不用不用襲也多陳不縱誕也庶綦繼陳不用庶衆也不用不用襲也多陳直云庶綦即上經親者綦庶兄弟綦朋友綦皆是繼陳謂繼襲衣之下陳之不用襲至小斂則陳而用之唯君

襪至大斂乃用也云多陳之為榮者庶襪皆陳  
之是也少納之為貴者襲時唯用三稱是也 貝三寶

于筭

筭音煩 疏曰自此水物古者以為貨江水出焉筭竹器

之事此云貝三下云稻米則士飯舍用米貝喪大記云  
君沐梁大夫沐稷士沐梁鄭云士喪禮沐稻此云士沐  
梁蓋天子之士也但士飯用稻米不言兼有珠玉大夫  
以上飯時兼用珠玉也雜記云天子飯九貝諸侯七大夫  
五士三鄭注云此蓋夏時禮也典瑞云大喪共飯玉  
含玉雜記云含者執璧彼據諸侯而用璧唯大夫含無  
文哀十一年左氏傳云公會吳子伐齊陳子行命其徒  
具含玉示必死者春秋時非正法若趙簡子云不設屬  
梲之類文五年王使榮叔歸含且贈何休云天子以珠  
諸侯以玉大夫以璧士以貝春秋之制也貝水物者案  
書傳云紂囚文王散宜生等於江淮之間取大貝如車  
渠以獻于紂遂放文王是貝水物出江水也漢書食貨

志云五貝為朋又云有大貝牡貝之等以為貨用是古者以為貨也筭竹器名者婚禮婦見舅姑執筭以盛棗栗此雖盛貝不盛

稻米一豆實於筐

筐立方反

沐巾一

浴巾二皆用綌於筭

綌去逆反

巾所以拭污垢浴巾

二者上體下體異也

綌

疏

曰士禮上下同用綌案玉藻云浴用二巾上綌下綌彼據大夫已上上用細下用麤也

櫛於簞

櫛

乙反簞音丹筭也

簞葦筭

疏曰案曲禮云凡以弓

劒苞苴簞筭問人者注云圓曰簞方曰筭則是簞筭別

此注單葦筭者舉其類案論語云顏回一簞食注云簞筭也亦是舉其類

浴衣於篋

浴衣已浴所衣

之衣以布為之其制如今通裁裁在代反又音才疏曰下經云浴用巾拊用浴衣是既浴所著之衣以晞

身即布單衣以其無殺故漢時名為通裁

皆饌于西序下南上

皆者皆具以下東西墻謂



之序中以南謂之堂疏曰謂從序半以北陳之云東  
西牆謂之序者爾雅釋宮文云中以南謂之堂者謂於  
序中半以南乃得堂稱以其堂上行事非專一所若近  
戶即言戶東戶西若近房即言房外之東房外之西若  
近楹即言東楹西楹若近序即言東序下西序下若近  
階即言東階西階若自半以南無所繼屬者即以堂言  
之即下文漸米于堂是也其實戶外房外皆是堂故  
論語云由也升堂矣未入於室是室外皆名堂也

右陳沐浴襲飯舍之具記掘坎南順廣尺輪二

尺深三尺南其壤

掘其勿反又其月反南順統  
於堂輪從也今文掘為垠也

疏曰經直云甸人掘坎于階  
間不辨大小故記人明之

堊用塊

塊塼也古  
文堊為役明

衣裳用幕布袂屬幅長下膝

幕布帷幕之布升數  
未聞也屬幅不削幅

也長下膝又有裳於蔽下體深也疏曰云幕布帷幕之布者周禮幕人云掌帷幕幄帟綬鄭云帷幕皆以布為之幄帟皆以繒為之升數未聞者以其不云疏布直云幕布故云未聞也云屬幅不削幅者布幅二尺二寸凡用布皆削去邊幅旁一尺為二寸計之則此不削幅謂繚使相著還以袂二尺二寸云長下膝者謂此衣長至膝下凡為衣以其有裳故不至膝下此又有裳而言膝下故云於蔽下體

有前後裳不辟長及蔽

辟必亦反劉又薄歷反蔽若角反又

戶角反不辟質也蔽足跗也凡他服短無見膚長無被土疏曰云不辟質也者以其凡男子裳不連衣者皆前三幅後四幅辟積其要間示文今此亦前三後四不辟積者以其一服不動不假上狹下寬也他服謂深衣深衣云短無見膚長無被土此裳及蔽至足跗亦是不被土故引為證也

縹緋絳

縹七絹反范倉亂反緋毗支反劉音卑絳他計反劉羊豉反一染謂之縹今紅也

飾裳在幅曰緋在下曰絳疏曰云一染謂之縹者爾雅文謂一入赤汁染之即漢時紅故舉以為

況也云飾裳在幅曰緋者案深衣云純袂純邊注云純謂緣之也緣邊衣裳之側廣各寸半則表裏

共三寸矣此在幅亦衣緇純純諸允反劉之閏反裳之側緣法如彼也緇純純諸允反劉之閏反

也飾衣曰純謂領與袂衣以緇以緇象天地也本經記掘中雷而浴殷

道也詳見楔齒綴足條士緇冒頰殺綴旁三凡冒質長

與手齊殺三尺詳見喪大記冒死而後制詳見陳小斂衣條

袍必有表不禪衣必有裳謂之一稱詳見喪大記

率帶士二采

同上

士飯三貝

同上

士併瓦盤無水

設牀禮第有枕含一牀襲一牀遷尸于堂又一牀

皆有枕席君大夫士一也

同上

管人汲不說緇屈之

管如字劉又音官說土活反劉他括反緇均必反劉俱必反管人

有司主館舍者不說緇將以就祝濯米屈縈也疏曰此論沐浴及寒尸之事云不說緇屈之者以其喪事遽則知古尚安舒汲宜說之矣士既無臣所行事者是府史故知管人是有司也聘禮記云管人為客三日具沐五日具浴此為死者故亦使之汲水也云不說緇者祝以下經云祝浙米明管人將以就堂授祝濯米可知祝

浙米于堂南面用盆

浙西歷反祝夏祝也浙沃也是疏曰下記云夏祝浙米差盛之是

也管人盡階不升堂受潘煮于俎用重鬲潘芳元反重

階三等之上喪大記曰管人受沐乃煮之甸人取所徹廟之西北扉薪用爨之疏曰用重鬲者以其先煮潘

後煮米為鬻懸于重祝盛米于敦奠于貝北盛音成復於筐處

故煮潘用重鬲也也處昌慮反疏曰敦即上廢敦也云復於筐處者向未浙實于筐今浙訖盛于敦所置之處還於筐所以

擬飯之士有冰用夷槃可也謂夏月而君加賜冰也夷

所用也設大槃造冰焉大夫設夷槃造冰焉士併瓦槃無冰設

牀禮第有枕造七到反禮之善反第壯矣反疏曰喪大記云士無冰用水此云有冰明據士得賜者也云

夷槃承尸之槃者案喪大記注禮自仲春之後尸既襲既小斂先納冰槃中乃設牀於其上不施席而遷尸焉

秋涼而止是也第為簀謂無席如浴時牀也特欲通冰

之寒氣若然凌人云大喪共夷槃冰則天子有夷槃鄭注凌人云漢禮器制度大槃廣八尺長丈二深二尺漆

赤中諸侯稱大槃辟天子其大夫言夷槃此士外御受喪又用夷槃卑不嫌但小耳故鄭云夷槃小焉外御受

沐入

對外御小臣侍從者沐管人所煮潘也疏曰外御對內御為名故下記云其母之喪則內御者浴則

此外御是士之侍御僕從者

主人皆出戶外北面

象平生沐浴僕程子孫不在旁主人

出而禮第

保力果反程直貞反疏曰禮袒也袒簪去席羹水便是也

乃沐櫛拒用巾

拒

慎反劉居吝反拒謂拭也而云晞也清也者以其櫛訖又以巾拭髮乾

又使清淨無潘櫛拭訖仍未作紒下浴用巾拒用浴衣

文待蚤揃訖乃髻用組是其次也

浴用巾拒用浴衣

用巾用拭之也喪大記曰御者二人浴浴水用盆沃水

用料料音主疏曰料酌水器受五升方有柄今用

大匏不方用挹盆中水以沃尸又案喪大記浴用渙濯盆沃水用料沐用瓦盤明沐浴俱有盤及料也

棄于坎

沐浴餘潘水中櫛浴衣亦并棄之古文渙作緣荆沔之間語疏曰潘水既經溫煮名之為渙

己將沐浴謂之為濯己沐浴訖餘潘水棄于坎知中櫛浴衣亦棄之者以其己經尸用恐人褻之若棄杖者棄

于隱者故知蚤揃如他日蚤依注音爪下髻蚤同揃子亦棄于坎云蚤讀為爪斷爪揃鬚

也人君則小臣為之他日平生時疏曰鄭讀蚤從爪者此蚤乃是詩云其蚤獻羔祭韭古早字鄭讀從手爪

之爪喪大記云小臣爪足髻用組乃笄設明衣裳用組注云爪足斷足爪是也

髮也古文髻皆為拈疏曰髻紒乃可設明衣以蔽體是其次也

右沐浴記夏祝淅米差盛之

浙西歷反差七何反又初佳反劉旅

何反盛音成 差擇之 疏曰經直云祝淅米御  
于堂南面用盆不言夏與盛之故記人言之

者四人抗衾而浴禮第 抗古浪反劉音剛禮之善  
反 抗衾為其保裡蔽之

也禮袒也袒簪去席 其母之喪則內御者浴簪無  
盥水便 盥音祿

笄 簪古外反 內御女御也無笄猶丈夫之不冠  
也 疏曰云內御女御者以婦人稱內故以女

御為內御婦人不死男子 設明衣婦人則設中帶  
之手故知內御女御也

中帶者今之禪褌 禪音昆褌音衫 疏曰經直  
云設明衣不辨男子與婦人故此記人云設明衣

者男子其婦人則設中帶鄭云中帶若今禪褌者  
鄭舉目驗而言雖名中帶亦號明衣取其圭潔也

經本記 管人汲不說緇屈之盡階不升堂授御者



御者入浴小臣四人抗衾御者二人浴浴水用盆  
沃水用枓浴用絺巾拒用浴衣如他日小臣爪足  
浴餘水棄于坎其母之喪則內御者抗衾而浴管  
人汲授御者御者差沐于堂上君沐梁大夫沐稷  
士沐梁甸人為墜于西墻下陶人出重鬲管人授  
沐乃煮之甸人取所徹廟之西北扉薪用爨之管  
人授御者沐乃沐沐用瓦盤拒用巾如他日小臣  
爪手翦須濡濯棄于坎

詳見喪  
大記

曾子之喪浴於

爨室

爨七亂反也禮死浴於適室

見曾元之辭易箒矯之以謙儉

未安而沒焉得有浴爨室遺語者曾子遠禮之人應須浴於正寢今乃浴於爨室明知意有所為故云矯之也士喪禮死於適室甸人掘坎于階間為墜于西墻下新盆槃瓶造于西階下乃浴於適室也於爨室為謙無甸人掘坎為墜之事是儉也檀弓

主人入即位

已設明衣可以入也

疏曰自此

商祝襲

祭服祿衣次

商祝祝習商禮者商人教之以敬於接神宜襲布衣牀上祭服爵弁服皮弁服皆從

君助祭之服大蜡有皮弁素服而祭送終之禮也襲衣於牀牀次舍牀之東衽如初也喪大記曰舍一牀襲一牀遷尸於堂又一牀疏曰云商祝祝習商禮者雖同是周祝仰習夏禮則曰夏祝仰習商禮則曰商祝也表

記云殷人尊神率民以事神尊而不親故知殷人教以敬是以使襲於接神宜此篇及既夕以夏人教忠從小斂奠大斂奠及朔半薦新袒奠大遣奠皆是夏祝為之其間雖不言祝名亦夏祝可知其徹之者皆不言祝名則周祝徹之也殷人教以敬但是接神皆商祝為之其間行事若祝取銘之類不言祝名者亦周祝可知唯既夕開殯時以周祝徹饌而堂下二事不可並使周祝故夏祝取銘置于重案周禮有大祝小祝喪祝詛祝甸祝此篇及既夕言夏祝商祝皆當喪祝者也云襲布衣牀上者喪大記云襲一牀此雖布衣未襲待飯含訖乃襲爵弁從君助祭宗廟之服雜記云士弁而祭於公是也皮弁從君聽朔之服玉藻云皮弁以聽朔於大廟是也引郊特牲大蜡之禮者證皮弁之服有二種一者皮弁時白布衣積素為裳是天子朝服亦是諸侯及臣聽朔之服二者皮弁時衣裳皆素葛帶榛杖大蜡時送終之禮凶服也此士之襲及士冠所用聽朔者不用此大蜡

素服知襲衣於牀牀次含牀之東者以其死于牀下  
遷尸于南牖下沐浴而飯含引大記云含一牀襲一牀  
遷尸于堂又一牀者喪事所以即遠故知襲牀  
次含牀之東云衽如初也者衽如初舍時也  
主人出

南面左袒扱諸面之右盥于盆上洗貝執以入宰洗

建于米執以從

扱初洽反劉初輒反從劉才用反俱入戶西鄉也今文宰不言執疏曰面

前也謂袒左袖扱於右掖之下帶之內取便也云洗貝執以入者洗訖還於算內執以入云宰洗廼建于米者亦於廢敦之內建之鄭知俱入戶西鄉者以下

巾從入當牖北面徹枕設巾徹楔受貝奠于尸西

當牖北面

值尸南也設巾覆面為飯之遺落米也如商祝之事位則尸南首明矣為飯上如偽反下扶晚反首手又反

疏曰云受貝者就尸東主人邊受取筭貝從尸南過奠尸西牀上以待主人親含也鄭云當牖北面值尸南者既夕記設牀第當牖社下筭上簞遷尸於上是尸當牖今言當牖北面故知值尸南可知設巾者為飯時恐有遺落米在面上故覆之也舊有解云遷尸於南牖時北首若北首則祝當在北頭而南鄉以其為徹枕設巾要須在尸首便也今商祝事位以北面則尸南首明矣若然未葬已前不異於生皆南首檀弓云葬于北方北首者從鬼神尚幽闇鬼道事之故也唯有主人由足西喪朝廟時北首順死者之孝心故北首也

**牀上坐東面**  
不敢從首前也祝受貝米奠之口實不由足也  
疏曰前文祝入當牖北面是由尸首故受主人貝奠之并受米奠于尸西以其口實不可由足恐褻之故也

**祝又受米奠于貝**

**北宰從立于牀西在右**  
米在貝北便扱者也宰立牀西在主人之右當佐飯事  
疏曰

祝先奠貝于尸西祝又受米從首西過奠于貝南便矣  
今不於貝南奠之而奠于貝北故云便主人之扱也云  
宰立牀西在主人之右當佐飯事者此不敢取詔辭自  
右之義直以米在主人之右故宰亦在右故云當佐飯  
也主人左扱米實于右三實一貝左中亦如之又實米

唯盈

于右尸口之右唯盈取滿而已

疏曰云于右尸口之右者尸南首云右謂口東邊也左右及中各

三扱米更云實米唯盈則九扱恐不滿是以重云唯盈也

主人襲反位

襲復衣也位在尸東疏

曰鄉袒則露形今云襲是復著衣故云復衣知位在尸東者以其鄉者在尸西今還尸東西面位也商祝

掩瑱設幙目乃屨綦結于跗連紃

跗方于反紃其于反掩者先結願下既

瑱幙目乃還結項也跗足上也紃屨飾如刀衣鼻在屨頭上以餘組連之止足圻也圻丑格反疏曰自此

盡于坎論襲尸之事經先言掩後言瑱與幘自鄭知後  
結項者以其掩有四脚後二脚先結頤下無所妨故先  
結之若即以前二脚向後結于項則掩於耳及面兩邊  
瑱與幘目無所施故先結頤下待設瑱塞耳并施幘目  
乃結項後也跗足上謂足背也云絢履飾如刀衣鼻在  
屨頭上者以漢時刀衣鼻况絢在屨頭上以其背有孔  
得穿繫于中而過者也若無絢則謂之鞮履見周禮鞮  
鞮氏注云以餘組連之者以綦履繫既結有餘組穿連  
兩屨之絢使兩足不乃襲三稱復稱尺證反杜預云衣禪  
相離故云止足圻也

上而衣之凡衣死者左衽不紐襲不言設牀又不言遷  
尸於襲上以其俱當牖無大異衣於既反疏曰上  
文已布衣於含東牀上而未襲今已飯含訖乃遷尸而  
以衣著於尸故云遷尸於襲上而衣之也喪大記云大  
斂小斂祭服不倒皆左衽結紼不紐注云左衽衽鄉左  
反生時也大斂小斂布衣訖皆言遷尸于斂上以其小

斂于戶內大斂于阼階其處有異故也此襲牀與含牀  
並在南牖下小別而已無大異故不言設牀與遷尸也  
此士襲三稱案雜記注云士襲三稱子羔襲五稱今公  
襲九稱則尊卑襲數不同矣諸侯七稱天子十二稱與  
以無正文故云與以明衣不在算算數也不在數明衣  
疑之紐女九反  
所主反疏曰喪大記云袍必有表不禪衣必有裳謂  
之一稱其祿衣雖禪與袍為表故云稱明衣禪而無裏  
不成稱故設鞵帶搢笏鞵帶鞵鞵帶不言鞵帶者省  
不數也  
搢插也插於帶之右旁古文鞵為合也見賢通反  
疏曰案上陳服之時有鞵鞵有緇帶故云鞵鞵帶也  
云不言鞵帶者省文亦欲見鞵鞵自有帶者鞵鞵用革帶  
也以其生時緇帶以束衣革帶以佩鞵玉之等生時有  
二帶死亦備此二帶是以雜記云朱綠帶申加大帶於  
上注云朱綠帶者襲衣之帶飾之雜以朱綠異於生也



此帶亦以素為之申重也重於革帶也革帶以佩韍必  
言重加大帶者明雖有變必備此二帶是也案玉藻云  
雜帶君朱綠大夫玄華士緇辟又案雜記云率帶諸侯  
大夫皆五采士二采注云此謂襲尸之大帶也以此而  
言生時君大夫二色今死則加以五采士生時一色死  
更加二色是異於生若然又雜記朱綠帶注云襲衣之  
帶飾之雜以朱綠此帶是求衣之帶非大帶諸侯禮則  
士大夫亦宜有之此不言文不具也但人君衣帶用朱  
綠與大帶同此則大夫士飾與大帶同也云擗  
插也插於帶之右旁者以右手取之便故也

設決麗

于擊自飯持之設握乃連擊

擊為亂反後節中也飯大擘指本也

決以韋為藉有彊彊內端為紐外端有橫帶設之以紐  
環大擘本也因省其彊以橫帶貫紐結於擊之表也設  
握者以綦繫鉤中指由手表與決帶之餘連結之此謂  
右手也古文麗亦為連擊作挽為于偽反彊若侯反

環音患挽烏亂反疏曰云決以韋為之藉有強強內  
端為紐外端有橫帶者以下當大擘本鄉掌為內端屬  
紐子鄉手表為外端屬橫帶也鄭云設之以紐環大擘  
本者以鄭言之大指短其著之先以紐環大擘本然後  
因沓其強於指乃以橫帶繞手一二貫紐反向手表結  
之鄭雖云結于擊之表且內於帶間末即結此橫帶即  
上組繫是也云設握者案上云握手長尺二寸裏手一  
端繞於手表必重宜於上掩者屬一繫於下角乃以繫  
繞手一帀當手表中指向上鉤中指又反而上繞取繫  
鄉下與決之帶餘連結之云此謂右手也者以其右手  
有決今言與決同結明是右手也下記所  
云設握者此謂左手鄭云手無決者也  
設冒橐之幘  
用衾者始死時斂衾古道反橐韜盛物者取事名焉衾  
是韜盛之名今以冒橐盛尸故名為橐是取盛物之事  
名焉篇首始死云幘用斂衾注云大斂之衾今雖襲訖

仍用大斂衾以其襲時無衾巾斂之衾陳之與前未襲同巾斂之衾陳之與前未襲同柩斂之衾陳之與前未襲同髻斂之衾陳之與前未襲同蚤埋于坎斂之衾陳之與前未襲同髻斂之衾陳之與前未襲同音斂之衾陳之與前未襲同

旬亂髮也坎至此築之也將襲辟奠既則反之辟

婢亦反又音避疏曰上文直言渙濯棄于坎必至此

乃築之者以其斂事遽無暇即埋又慮更有須埋者故

至此覆尸訖乃埋之云將襲辟奠既則反之者始死設

于尸東方襲事必當辟之襲訖反之於尸東以其不可

空無所依故也案下記云小斂辟奠不出室則此辟襲

奠亦不出室仍不言處大斂時辟小斂奠于序西南則

此宜室西南隅至大斂辟小斂奠則言于序西南有文

可知也此奠襲後因名襲奠故

下鄭注云將小斂則辟襲奠

### 右襲飯含

案既襲後有為燎一節經文不具今以記附于下

記飯於牖

### 下

詳見士喪禮下袒

卒洗貝反于筭實貝柱右顙左顙

筭音煩柱丁主反齟丁千反象齒堅疏曰經直云實貝於尸左右及中不言遠近故記人辨之

云右齟左齟謂牙兩畔也夏祝徹餘飯曰徹去鬻疏最長者象生時齒堅也

祝徹故記瑱塞耳瑱佗殿反塞充室疏曰瑱人言之瑱塞耳恐同

生人縣于耳旁故記設握裏親膚繫鉤中指結人言之也本經記

于擊握如字劉烏豆反中如字劉丁仲反擊烏亂反擊掌後節中也手無決者以握繫一端

繞擊還從上自貫反與其一端結之疏曰手無決者以其經已云設握麗于擊與決連結結據右手

有決者不言左手無決者故記之云以握繫一端繞擊還從上自貫反與其一端結之者案上文握

手用玄纁裏長尺二寸今裏親膚據從手內置之長尺二寸中掩之手纔相對也兩端各有繫先以

一端繞擊一帀還從上自貫又以一端鄉  
上鈎中指反與繞擊者結於掌後節中 甸人築

圻坎 築實土其中堅之穿坎之名一曰圻  
疏曰甸人掘還使甸人築之也 隸人涅

廁 涅乃結反塞也 隸人罪人也今之徒役作者  
也涅塞也為人復往棄之又亦鬼神不用 復

扶又反 疏曰案周禮司隸職云其奴男子入於  
罪隸者則中國罪人對夷隸蠻隸貉隸之等是征

四夷所得也故鄭舉漢法今之徒役作者也云為  
人復往棄之又亦鬼神不用者古者非直不共偏

浴亦不共廁故得云 髻爪士埋之 髻音辭  
死者不用也 同上 亂髮也 疏

曰此明死者之亂髮及手足之爪君大夫則實於  
棺角之中士賤亦有物盛髮爪而埋之 詳見喪

大記 司士賁告於子游曰請襲於牀子游曰諾縣

子聞之曰汰哉叔氏專以禮許人

賁音奔人名汰本又作大音泰

自矜大

叔氏子游別字

疏曰喪大記始死廢

牀至遷尸及襲皆在於牀當時失禮襲在於地故

司士賁告子游子游曰諾者子游知襲在牀為是

故諾之縣子聞之曰汰哉汰自矜大也言凡有來

請禮事者當據禮以答之今子游專輒許諾如似

禮出於己故縣子譏之曰汰哉當言禮也言諾非

禮也

檀弓

檀弓

檀弓

鑿巾以飯公羊賈為之也

記士失禮所由始也士親

飯必發其巾大夫以上賓為飯焉則有鑿巾疏

曰大夫以上賁故使賓為其親含恐尸為賓所憎

穢故設巾覆尸面而當口鑿穿之令含得入口也

公羊賈是士自含具親而用鑿巾則是自憎穢其

親故為失禮

也雜記

既襲宵為燎于中庭

宵夜疏曰士之喪死日

而襲經不云中庭設燎  
故記明之也

本經記

士堂上一燭下一燭

詳見

喪大記

重木刊鑿之甸人置重于中庭參分庭一在南

重直容反

也縣物焉曰重刊斲治鑿之為縣簪孔也士重木長三尺  
疏曰以其本有物縣於下相重累故得重名下云

繫用幹用幹內此孔中云簪者若冠之笄謂之簪使冠  
連屬於紒此簪亦相連屬於木之名也云士重木長三尺

尺者鄭言士重木長三尺則大夫以上各有等當約銘  
旌之杠士三尺大夫五尺諸侯七尺天子九尺據豎之

者橫者宜半之鄭不言夏祝鬻餘飯用二鬲于西牆下

大夫以上無正文故也夏祝鬻餘飯用二鬲于西牆下  
鬻本又作粥之六反飯扶晚反夏祝祝習夏禮者也  
夏人教以忠其於養宜鬻餘飯以飯尸餘米為鬻也重

主道也士二鬲則大夫四諸侯六天子八與簋同差養畢亮反疏曰西牆下有竈即上文甸人為俎是也

云夏人教以忠其於養宜者祭禮記表記云夏道近人而忠故此飲食使夏祝忠者養宜也前商祝奠米飯米夏祝徹之今乃鬻之而盛於鬲是以下記云夏祝徹餘飯注云徹去鬻是也云重主道也者始死未作主以重主具神虔祭之後以木主替重處故重是木主之道也云士二鬲則大夫四諸侯六天子八與簋同差者亦無正文以其同盛黍稷故知同差也柴特牲用二敦少牢用四敦同姓之大夫士用簋故皆以簋言之明堂位云周之八簋詩云陳饋八簋皆天子禮自上降殺以兩可知也

冪用疏布久之繫用幹

縣于重冪用葦席北面左衽帶用幹賀之結于後

冪本作冪

亡狄反幹劉舉琴反黔同說文其闇反父讀為灸謂以葢塞鬲口也幹竹筥也以席覆重辟屈而反兩端交



於後左衽西端在上賀加也今文冪皆作密 簾音茂  
辟音壁 疏曰久讀為灸灸塞義謂用麤布蓋帛口為  
塞也云衿竹簾也者顧命云敷重蔑席即此衿簾一也  
謂竹之青可以為繫者云以席覆重辟屈而反兩端交  
於後左衽西端在上者據人北面以席先於重北面南  
掩之於後以東端為下向西端為上向東是為辟屈  
而反兩端交於後為左衽然 祝取銘置于重 祝習周  
後以簾加束之結於後也 疏曰以銘未用待殯訖乃置於殯今且置於重  
必且置於重者重與主皆是錄神之物故也

### 右設重置銘

### 重主道

詳見喪禮義

厥明陳衣于房南領西上綰絞橫三縮一廣終幅析其

末

絞戶交反以布為之縮

從也

綰屈也絞所以收束衣服為堅急者也

可結也喪大記曰絞一幅為三從子容反疏曰云  
厥明者對昨日始死之日為厥明此陳衣將陳并取以  
斂皆用篋是以喪大記云凡陳衣者實之篋取衣者亦  
以篋升降者自西階是也云絞所以收束衣服為堅急  
者喪大記云小斂之絞也廣終幅析其末以為堅之強  
也大斂之絞一幅三析用之以為堅之急也記云凡絞  
終用布倫如朝服注云倫比也此絞直言縱橫幅數不  
言長短者人有短長不定取足而已引喪大記證絞為  
三析緇緇緇裏無紃緇丑貞反赤也紃丁敢反紃被  
之事緇緇緇裏無紃緇丑貞反赤也紃丁敢反紃被  
凡衾制同皆五幅也識甲志反疏曰云斂衣或倒  
者案下文云祭服不倒則餘服有倒者皆有領可記也  
云被無別於前後可也者被本無首尾生時有紃為記  
識前後恐於後互換死者一定不須別其前後可也云  
凡衾制同皆五幅也者此無正文喪大記祭服次爵弁  
云紃五幅無紃衾是紃之類故知亦五幅

弁服 疏曰凡陳斂衣先陳絞紵於上次陳祭服於下  
故云祭服次至大斂陳衣亦先陳絞紵於次陳君襚祭  
服所以然者以絞紵為裏束衣故皆絞紵為先但小斂  
美者在內大斂美者在外故小斂先布散衣後布祭服  
大斂則先布祭服後布散衣是小斂美者在內大  
斂美者在外也襲時美者在外是三者相變也 散衣

次

散息但反 祿衣以下袍繭之屬 疏曰凡十有九稱

祭服與散衣 疏曰士之服唯有爵弁皮弁祿衣而已  
云十九稱當重之使充十九必十九者法天地之終數  
也天地之初數天一地二終數天九地十人在天地  
之間而終故取終數為斂衣稱數尊卑共為一節也陳  
衣繼之 疏曰襲時陳衣訖乃云庶襚繼陳不  
用此亦陳衣訖乃云陳衣繼之明亦是庶襚不  
必盡用 庶襚忍反 取稱而已不務多 疏曰襲時言  
庶襚繼陳則全不用此陳衣繼之下云不必盡

用則兼用之不必盡而已以其小斂用衣多主人自盡  
不足故容用之也云取稱而已不務多者衣服雖多不  
得過十  
九耳  
饌于東堂下脯醢醢酒冪奠用功布實于簞在

饌東

饌劉牀轉反一音士眷反後同功布鍛濯灰治

坵丁念反

疏曰紫喪服殯大功章云大功布衰裳注

云大功布者其鍛治之功麤治之則此云功布者大功

之布故云鍛濯灰治之也云凡在東西堂下者南齊坵

者既夕記云設於東堂下南順齊于坵饌于其上兩

齊北陳之堂隅有坵以土為之或謂堂隅為坵也設盆

盥于饌東有巾為奠設盥也喪事略故無洗也疏曰

直以盆為盥器也下云夏祝及執苴經大鬲下本在左

事盥執醢先酒即是於此饌也

直經大鬲下本在左

要經小焉散帶垂長三尺牡麻經右本在上亦散帶垂

皆饌于東方

苴七如反鬲音革又作搗同經大結反  
苴經斬衰之經也苴麻者其貌苴以為經

服重者尚麤焉經之言實也鬲搗也中人之手搗圓九  
寸經帶之差自此出焉下本在左重服統於內而本陽  
也要經小焉五分去一牡麻經者齊衰以下之經也牡  
麻經者其貌易服輕者宜差好也右本在上輕服本於  
陰而統於外散帶之垂者男子之道文多變也饌于東  
方東坵之南苴經為上差初賣反疏曰此陳經

帶者以其小斂訖當服未成服之麻故也云亦散帶垂  
者不言尺寸亦與苴經同垂三尺喪服斬衰章云斬衰  
裳苴經杖苴麻者其貌苴間傳云斬衰貌若苴彼據人  
之形貌若苴麻明麻之形貌亦苴可知故此指麻之貌  
苴者以為經服重者尚麤惡對齊衰已下服輕不尚麤  
惡故間傳云齊衰貌若衰大功貌若止是不尚麤惡也

檀弓云經也者實也明孝子有忠實之心與服相稱不  
虛服此服也云鬲搯也中人之手搯圓九寸鬲是搯物  
之稱故據中人一搯而言大者據大拇指與大巨指搯  
之故言大鬲云下本在左重服統於內而本陽也者謂  
斬衰統於內以解本在下而本陽以解在左對齊衰之  
經右本在上輕服本於陰而統外紫雜記云親喪外除  
鄭云日月已竟而哀未忘兄弟之喪內除注云日月未  
竟而哀已殺此言統內統外者亦據哀在內外而言本  
陽本陰者亦據父者子之天為陽母者子之地為陰而  
言也云要經小焉五分去一者苴經圍九寸五分之五  
寸正去一寸得四寸餘四寸每寸為五分四寸為二十  
分去四分得十六分取十五分為三寸餘一分在摠得  
七寸五分寸之一云齊衰之經斬衰之帶也以其俱七  
寸五分寸之一又去五分一以為帶七寸取五寸去一  
寸得四寸彼二寸一寸為二十五分二寸為五十分一  
分為五分添前為五十五分摠去十一分餘有四十四

分二十五分爲一寸添前四寸爲五寸仍有十九分在  
是齊衰之帶揔有五寸二十五分寸之十九彼又云大  
功之經齊衰之帶以其俱五寸二十五分之十九又去  
五分之一以爲帶五寸去一寸得四寸餘二十五分寸之  
十九者一分爲五分十分爲五十分又九分者爲四十  
五分添前五十揔爲九十五分去一者五十去十四十  
五去九揔得七十六據整寸破之而言此四寸百二十  
五分寸之七十六以爲小功之經大功之帶以下仍有  
小功之帶但小功之帶以小功之經又五分去一下至  
總麻之帶皆以五倍破寸計之可知云牡麻經者齊衰  
以下之經也者紫喪服齊衰大功皆言牡麻經小功又  
言澡麻傳云牡麻者紫麻也對苴經則此雄麻色好者  
是以鄭云服輕者宜差好也云散帶之垂者男子之道  
文多變也者此小斂經有散麻帶垂之至三日成服絞  
之對婦人陰質初而絞之與小功以下男子同知饌于  
東方東坫之南其經爲上者以其對下牀第夷衾之等

在西玷南故此亦在東玷南也若然經直言東方知不  
在東堂下東方者以其小斂陳饌皆在東堂下若此亦  
在東堂下當言陳于饌東饌北何須言東方乎明此非  
東堂下也知直經為上者以其經先言直經明依此為  
首南陳婦人之帶牡麻結本在房婦人亦有直經但言  
之也

婦人斬衰婦人亦直經也疏曰知婦人亦有直經者  
喪服首云直經杖下經男子婦人俱陳則婦人亦有直  
經禮記服問之等每云婦人麻經之事故知婦人亦有  
經今此經不言婦人直經者記其異謂男子帶有散麻  
婦人則結本是其異者且男子小功總麻小斂有帶則  
絞之亦結本婦人帶結本可以兼之矣云此齊衰婦人  
者以其牡麻宜言齊衰以下至總麻皆同牡麻也云斬  
衰婦人亦直經也者此亦據帶而言以其帶亦名經則  
喪服云直經杖鄭云麻在首在要皆曰經彼經既兼男  
女則婦人有直麻為帶經可知經不言者以義可知故



省文也此帶壯麻蕪男子小功以下陳之則別處牀第

夷衾饌于西玷南

第實也夷衾覆尸之衾喪大記曰自

冒也

穀色界反

疏曰小斂訖奉尸夷于堂幬用夷

衾故陳之於西玷南案曲禮云在牀曰尸在棺曰柩此

夷衾小斂以往用之覆尸柩今直言覆尸者鄭據此小

斂未入棺而言云喪大記曰自小斂以往用夷衾則此

夷衾本為覆尸覆柩不用入棺矣是以將葬啓殯覆棺

亦用之矣云夷衾質殺之裁猶冒也者案上文云冒緇

質長與手齊頽殺掩足注云夷衾亦如此上以緇下以

頽連之乃用也此色與形制大同而連與不連則異也

西方盥如東方

為舉者設盥也如東方者亦用盆布巾

下經士盥二人是也東方盥在東堂

下則知此西方亦在西堂下可知陳一鼎于寢門外

當東塾少南西面其實特豚四鬐去蹄兩胎脊肺設高

鼎鼐西末素俎在鼎西西順覆匕東柄鬐託歷反蹄大

音百又音魄脅也高古營反鬐解也四解之殊肩髀

而已喪事略去蹄去其甲為不絜清也胎脅也素俎喪

尚質既饌將小斂則辟襲奠今文鬐為剔胎為迫古文

鼐為密髀步啓反又必爾反下文同辟婢亦反疏

曰此亦為小斂奠陳之鼐用茅為編言西末則茅在東

方凡牲體之法有二一者四解而已此經直云四鬐即

云去蹄明知殊肩髀為四段案士冠禮云若殺則特豚

載合升注云合左右腓此下文大斂亦云豚合升則吉

凶之禮豚皆合升而鄭云喪事略者但喪中之奠雖用

成牲亦四解故云喪事略若禘郊大祭雖吉祭亦先有

豚解後為體解是以禮運云腥其俎孰其穀鄭云腥其

俎謂豚解而腥之孰其穀謂體解而爛之國語亦云禘

郊之事則有全胥王公立飫則有房俎親戚燕飲則有  
殺胥者若然禘郊雖先有全胥後有體解此經云四鬻  
并兩胥脅與脊摠為七體若豚解皆然也云既饌將小  
斂則辟襲奠者即始死之奠襲後改為襲奠以恐妨斂  
事故知辟襲奠前襲時已辟之今將小斂亦辟之亦當  
於室之西南隅如將大斂辟小斂奠於序西南也凡奠  
在室外經宿者皆辟之於序  
西南小斂奠與祖奠是也

右陳小斂衣經帶奠 記小斂於戶內大斂於阼

士以葦席

詳見喪大記

厥明滅燎陳衣

記節 疏曰云記節者為

小斂陳衣當襲之明且滅燎之凡絞紵用布倫如  
時正經不云故記人亦明之也

朝服

凡凡為輪

小斂大斂也倫比也今文無紵古文倫  
疏曰言凡非一之言以其唯小斂至

大斂有絞大斂又有紼故知凡中有大小斂也言類如朝服者雜記云朝服十五升是也本經記

小斂布絞縮者一橫者三士緇衾一衣十有九稱士陳衣于房中皆西領北上絞紼不在列小斂之衣祭服不倒君無襚大夫士畢主人之祭服親戚之衣受之不以即陳君大夫士皆用複衣複衾

詳見喪大記

袍必有表不禪衣必有裳謂之一稱凡

陳衣者實之篋取衣者亦以篋升降自西階凡陳

衣不誦非列采不入絺綌紵不入

詳見喪大記

絞紼

衾冒死而後制

絞衾一日二日而可為者王制大斂條通用

設

於于東堂下南順齊于坵饌于其上兩甒醴酒酒

在南篚在東南順實角解四木枳二素勺二豆在

甒北二以並籩亦如之

枳於庶反齊如字劉才計反坵丁念反勺上灼反

於今之擗也角解四木枳二素勺二為夕進醴酒

斂饌也記於此者明其他與小斂同陳古文角解

為角枳疏曰角解四木枳二為夕進醴酒兼饌

之也者以其大小斂之奠皆有醴酒醴一解又用

一枳酒用一解計醴酒但用二解一枳矣而解有

四枳有二者朝夕酒醴及器別設不同器朝夕二

奠各饌其器也小斂一豆一籩大斂乃有二豆二

遷故知二謂大斂饌也大斂饌不在小斂節內陳之而此陳之者以其陳此遷豆之外皆與小斂同故就小斂節內凡遷豆實具設皆巾之為具具則陳之省文也

於饌巾之中之加飾也明小斂一豆一籩不巾疏曰東堂實之於奠設之二處皆巾故云皆巾之

云籩豆偶而為具具則於饌巾之中之加飾也者此鄭解大斂奠二豆二籩實與奠二處皆巾加飾

明小斂奠一豆一籩堂東饌時不巾不加飾若然小斂奠設于牀東中之為在堂經久設塵埃加故

雖一豆一籩亦巾之檀弓云解俟時而酌柶覆加喪不剥奠也與祭肉也與

之面枋及錯建之枋被命反錯七故反時朝夕也檀弓曰朝奠日出夕奠逮日

疏曰言此者記人恐饌時已酌於解故記云俟時而酌也引檀弓者謂時是朝夕之時必朝奠待

日出夕奠須日未沒者欲得父母之神隨陽而來故也本經記大斂條通用

喪服

先散帶

詳見喪禮義

批以桑長三尺或曰五尺

批音

亦作批音同長直亮反下同批所以載牲體者此謂喪祭也吉祭批用棘疏曰批者所以載牲

體從鑊以批升入於鼎從鼎以批載之於俎以其喪故知喪祭也云吉祭批用棘者特牲記云批

是也棘心畢用桑長三尺刊其柄與末畢所以助主是也

削也疏曰主人舉肉之時則以畢助主人舉肉用桑者亦喪祭故也刊其柄與末謂畢末頭亦刊

削之畢既如此批亦當然若吉時亦用奠以素器棘雜記大斂及凡喪祭陳鼎者通用

詳見喪禮義後凡奠通用

士盥二人以並東面立于西階下

立俟舉尸也今文並為併疏曰舉尸謂

小斂從襲牀遷尸於戶內服上即下文士舉遷尸反位是也

布席于戶內下莞上簟

有司布斂席也

商祝布絞衾散衣祭服祭服不倒美者在中

斂者

趨方或俱倒衣裳祭服尊不倒之也美善也善衣後布於斂則在中也既後布祭服而又言善者在中明每服

非一稱也俱本又作顛倒丁老反疏曰襲時衣裳少不倒小斂十九稱衣裳多取其要方除祭服之外或

倒或否云祭服尊不倒者士之助祭服則爵弁服皮弁服并家祭服玄端亦不倒也云善衣後布於斂則在中

也者以其斂衣半在尸下半在尸上今於先布者在下則後布者在中可知也祭服文在散衣之下即是後布

祭服祭服則是善者復云善者在中則祭服之中更有善者可故云每服非一稱以其摠十九稱之中善者



非一士舉遷尸反位遷尸於設牀第于兩楹之間衽如

初有枕

衽寢臥之席也亦下莞上簟疏曰曲禮云請席何鄉請衽何趾鄭云坐問鄉臥問趾因於陰

陽是衽為臥席云亦下莞上簟者詩斯干宣王寢席而言下莞上簟是尋常寢席無問貴賤皆下莞上簟卒

斂徹帷

尸已

主人西面馮尸踊無算主婦東面馮亦如

之

馮音憑後皆同馮服膺之

主人髻髮袒衆主人免于房

髻音括劉音活

免音問後放此

始死將斬衰者雞斯將齊衰者素冠

今至小斂變又將初喪服也髻髮者去笄纓而紒衆主

人免者齊衰將袒以免代冠冠服之尤尊不以袒也免之制未聞舊說以為如冠狀廣一寸喪服小記曰斬衰

髻髮以麻免而以布此用麻布為之狀如今之著慘頭矣自項中而前交於額上卻繞紒也于房于室釋髻髮

宜於隱者今文免皆作絕古文髻作括 難斯所買反  
劉霜綺反下作纒同紒音計著丁略反慘七消反絕音  
問 疏曰知始死將斬哀者難斯者案禮記問喪云親  
始死難斯徒跌鄭注云難斯當為笄纒以成服乃斬哀  
是始死未斬哀故云始死將斬哀者難斯也云將齊哀  
者素冠者喪服小記云男子冠而婦人笄冠笄相對問  
喪親始死男子去笄纒明齊哀男子素冠可知今至小  
斂變者謂服麻之節故云變也云又將初喪服也髻髮  
者去笄纒而紒者此即喪服小記云斬哀髻髮以麻為  
母髻髮以麻免而以布是母雖齊哀初亦髻髮與斬哀  
同故云去笄纒而紒紒上著髻髮也云衆主人免者齊  
哀將祖以免代冠者此亦小斂節與斬哀髻髮同時此  
皆據男子若婦人斬哀婦人以麻為髻齊哀婦人以布  
為髻髮與髻髮皆以麻布自項而向前交於額上卻繞  
紒如著慘頭焉免亦然但以布廣一寸為異也云于房  
于室釋髻髮宜於隱者并下文婦人髻于室蕙言之也

婦人髻于室

髻側瓜反 纚將齊哀者

始死婦人將斬哀者去笄而

纚而紒也齊哀以上至笄猶髻髻之異於髻髮者既去

纚而以髮為大紒如今婦人露紒其象也檀弓曰南宮

緇之妻之姑之喪夫子誨之髻曰爾毋縱縱爾爾毋

扈爾其用麻布亦如著慘頭然 緇他刀反毋音無縱

范音摠劉又在紅反扈扈並音戶 疏曰知婦人將斬

哀者去笄而纚者喪服小記云男子冠而婦人笄冠笄

相對將斬哀男子既去冠而著笄纚則婦人將斬哀亦

去笄而纚可知又知將齊哀者骨笄而纚者上引男子

齊哀始死素冠則知婦人將齊哀骨笄而纚也云今言

髻者亦去笄纚而紒也者謂令至小斂節亦如上將斬

哀男子去笄纚而髻髮則此將斬哀婦人亦去笄纚而

麻髻齊哀婦人去骨笄與纚而布髻矣鄭不云斬哀婦

人去纚而云去笄纚者專據齊哀婦人而言文略故也

鄭所以云而紒紒即髻也故喪服注亦云髻露紒也云

齊衰以上至笄猶髻者謂從小斂著未成服之髻至成服之笄猶髻不改至大斂殯後乃著成服之髻代之也云髻之異於髻髮者既云纒而以髮為大紒如今婦人露紒其象也者古者男子婦人吉時皆有笄纒有喪至小斂則男子去笄纒著髻髮婦人去纒而著髻髮形先以髮為大紒紒上斬衰婦人以麻齊衰婦人以布其著之如男子髻髮與免故鄭依檀弓縱縱扈扈之後乃云其用麻布亦如著慘頭然既髻髮與髻皆如著慘頭而異為名者以男子陽外物為名而謂之髻髮婦人陰內物為稱而謂之髻也但經云婦人髻于室者男子髻髮與免在東房若相對婦人宜髻于西房大夫士無西房故於室內戶西皆於隱處為之也

右小斂髮髻

記夏后氏尚黑

以建寅之月為正物生尚黑

大

事斂用昏

斂力驗反下皆同亦黑此大事謂喪事也

昏時

殷人尚白

以建

丑之月為正  
物牙色白

大事斂用日中

日中時亦白

周人尚赤

建以

子之月為正而物萌色赤疏曰案上商尚白之下注云物牙色白此萌色赤不同者萌是牙之微

細故建子云萌建丑云芽若散而言之萌即牙也故書傳略說云周以至動殷以萌夏以牙此皆據

一種之草大汎而言故建子始動建寅乃出至如薺麥以秋而生月令仲冬荔挺生不在此例也

大事斂用日出

日出時亦赤

小斂於戶內

詳見喪禮義

小斂辟奠不出室

辟婢亦反劉芳盆反注辟辟襲奠同未忍

神遠之也辟襲奠以辟斂既斂則不出於室設於序西南畢事而去遠于萬反辟斂音避疏曰

始死猶生事之不忍即為鬼神事之故奠不出室云辟襲奠以辟斂者辟襲奠只為辟斂也若將大

斂則辟小斂奠於序西南亦不出於室云事畢而去者斂事畢奉尸夷于堂乃去而設小斂奠于尸

東經記

本小斂而徹帷

詳見喪禮義

無踊節

其哀未可節也

疏曰自死至此為節賓主拾踊有三者三而云無踊節者除三者三之外其間踊皆無節即上文踊無算是也云其哀未可節也既馮尸主人袒髻亦謂三者三之外無踊節而言

髮絞帶衆主人布帶

髻

音括

衆主人齊衰以下疏曰小斂于戶內訖主人

袒髻髮散帶垂經不云絞帶及齊衰以下布帶事故記者言之紫喪服並經之外又有絞帶鄭注云要經象大帶又有絞帶象革帶齊衰以下用布齊衰無等皆是布帶也知衆主人非衆子其衆子皆斬衰絞帶故知衆主人齊衰以下至總麻首皆免也本經記小斂主人即位

于戶內主婦東面乃斂卒斂主人馮之踊主婦亦如之主人袒脫髦括髮以麻婦人髻帶麻于房中凡斂者袒遷尸者襲士之喪胥為侍士是斂小斂大斂祭服不倒皆左衽結絞不紐斂者既斂必哭士與其執事則斂斂焉則為之壹不食凡斂者六人鋪絞紼踊鋪衾踊鋪衣踊遷尸踊斂衣踊斂衾踊斂絞紼踊士馮父母妻長子庶子庶子有子則父母不馮其尸凡馮尸者父母先妻子後父母於

子執之子於父母馮之婦於舅姑奉之舅姑於婦

撫之妻於夫拘之夫於妻於昆弟執之馮尸不當

君所凡馮尸興必踊

詳見喪大記

嫂不撫叔叔不撫

嫂

遠別也雜記

君不撫僕妾

同上凡斂者袒已下至此大斂條通用

士舉男女奉尸俛于堂幰用夷衾男女如室位踊無算

俛音夷

俛之言尸也夷衾覆尸柩之衾也堂謂楹間

牀第是也

今文俛作夷

疏曰云俛之言尸也者尸之

衾曰夷衾尸之牀曰夷牀并此經俛尸不作移字皆作

俛者俛人旁作之故鄭注喪大記皆是依尸為言也云

幰用夷衾者初死幰用大斂之衾以小斂之衾當陳今

小斂後大斂之衾當擬大斂故用覆棺之夷衾以覆尸



也主人出于足降自西階衆主人東即位婦人阼階上西面主人拜賓大夫特拜士旅之即位踊襲經于序東

復位

拜賓鄉賓位拜之也即位踊東方位襲經于序東東夾前鄉計亮反夾古洽反劉古協反疏

曰云衆主人東即位者當主人降自西階主人就拜賓之時衆主人遂東即位於阼階下主人位南西面也於時阼階上空故婦人得向阼階上西面也云拜賓鄉賓位拜之也者經云主人降自西階即云主人拜賓明不鄉位而先拜賓是主人鄉賓位拜賓可知主人拜賓訖即向東方阼階下即西面位踊踊訖襲經也云襲經于序東東夾前者主人即位踊訖而云襲經于序東謂鄉堂東東當序牆之東又當東夾之前非謂就堂上東夾前也云復位者復阼階下西面位

右奉尸于堂拜賓襲經 記徹帷男女奉尸夷于  
堂降拜士拜卿大夫於位於士旁三拜士妻特拜  
命婦汜拜衆賓于堂上主人即位襲帶經踊母之  
喪即位而免哭尸于堂上主人在東方由外來者  
在西方諸婦南鄉婦人迎客送客不下堂下堂不  
哭男子出寢門見人不哭其無女主則男主拜女  
賓于寢門外其無男主則女主拜男賓于阼階下  
子幼則以衰抱之人為之拜在竟內則俟之在竟

外則殯葬可也喪有無後無無主

詳見喪大記

大夫

弔當事而至則辭焉

辭猶告也擯者以主人有事告也主人無事則為大夫出

弓 檀

士之喪於大夫不當斂則出

詳見喪大記

士

妻不當斂則為命婦出

同上

當袒大夫至雖當踊

絕踊而拜之反改成踊乃襲

尊大夫來至則拜之不待事已也更成踊

者新其事也

於士既事成踊襲而后拜之不改成踊

於士

士至也事謂大小斂之屬

疏曰此明士有喪大夫及士來弔之禮當袒大夫至者謂士有喪當袒

之時而大夫來弔也崔云謂斂竟時也檀弓云大夫弔當事而至則辭焉是當大小斂時主人不出

故辭大夫也此云絕踊而拜之故知是斂已竟當其祖踊時出也乃襲謂更成踊訖乃襲初祖之衣也於士來弔則襲畢乃拜之也雜記

大夫弔之雖總必稽顙小記

小斂大斂啓皆辯拜

辯音遍嫌當事來者終不拜故明之也此既事皆

拜疏曰禮凡當大斂小斂及啓攢之時唯有君來則止事而出拜之若他賓客至則不止事事竟乃即堂下之位悉徧拜故云皆辯拜也

雜記

大夫弔以下大斂條通用

乃奠

祝與執事為之

舉者盥右執匕卻之左執俎橫攝之入阼

階前西面錯錯俎北面

錯七故反下及注同舉者盥出門舉鼎者右人以右手執匕

左人以左手執俎因其便也攝持也西面錯錯鼎於此宜西面錯俎北面俎宜西順之便婢面反疏曰右

執匕左執俎者謂鄉北入內東方為右人西方為左人故鄭云右人以右手執匕左人以左手執俎各用內手舉鼎外手執匕故云便也云錯鼎於此宜西面者對在門外時北面陳鼎鄉內為宜也

右人左執

匕抽局予左手兼執之取鼎委于鼎北加局不坐

抽局取鼎

加局於鼎上皆右手今文局為鉉古文予為午鼎為密

疏曰云抽局取鼎加局於鼎上皆右手者以其經云

左執匕即云抽局予左手兼執之不言用右手故鄭明之以其右人用左手執匕即知抽局已下用右手手似若

左執爵用右手祭脯祭薦取便也

乃杞載兩髀于兩端兩肩亞兩肱亞

脊肺在於中皆覆進抵執而俟

杞必李反抵丁計反後同乃杞以杞次出牲

體右人也載受而載於俎左人也亞次也凡七體皆覆為座抵本也進本者未異於生也骨有本末古文杞為

匕髀為髀今文肱為肱皆為肱為髀必爾反又批  
支反為肱劉音帝疏曰凡七體者前左右肩肱屬焉  
後有左右髀膊肱屬焉并左右臂通脊為七體也案下  
丈大斂肱合升言合升則髀亦升之矣凡言合升多言  
皆并髀升非獨喪禮若體解升者皆髀不升鄭云近  
賤也云皆覆為塵者諸進體皆不言覆此言覆者由無  
尸而不食故覆之也云進本者未異於生也者公食  
大夫亦進本是生人法今以始死故不異於生也夏

祝及執事盥執醴先酒脯醢俎從升自阼階丈夫踊甸

人徹鼎巾待于阼階下

從劉才用反  
事者巾功布也

執事者諸執奠  
執事者不升已不

設祝既錯醴將受之疏曰云甸人徹鼎巾者以其空  
無事故徹案公食大夫云甸人舉鼎順出奠于其所謂  
當門也云執者不升已不設祝既錯醴將受之者此執  
者不升唯據執巾者故鄭云祝祝既錯醴將受之當以覆

酒醴故下云奠于尸東執醴酒北面西上升尊也立而

祝受中是也俟後錯要成也豆錯俎錯于豆東立于俎北西上醴酒錯于豆

南祝受巾巾之由足降自西階婦人踊奠者由重南東

丈夫踊巾巾並如字劉下居觀反重直龍反巾之為

位在上故奠者升丈夫踊奠者降婦人踊各以所見先後為踊之節也奠者降反位必由重南東者以其重主

道神所憑依不知神之所為故由重南而過是以主人又踊也注云東反其位者其位蓋在盆盥之東南上

賓出主人拜送于門外于適室以鬼神所在則曰廟故

名適寢為廟也乃代哭不以官代更也孝子始有親喪悲哀憔悴禮防其以死傷生使之更哭

不絕聲而已人君以官尊卑士賤以親疏為之三日之後哭無時周禮挈壺氏凡喪縣壺以代哭挈若結反縣音玄疏曰紫喪大記云君喪縣壺乃官代哭大夫官代哭不縣壺士代哭不以官注云自以親疏哭也此注不言大夫舉人君與士其大夫有大記可參以官可知故不言也云三日之後哭無時者禮有三無時之哭始死未殯哭不絕聲一無時殯後葬前朝夕入於廟阼階下哭又於廬中思憶則哭是二無時既練之後在壘室之中或十日或五日一哭是三無時練前葬後有朝夕在阼階不哭唯此有時無無時之哭也引挈壺氏者證人君有縣壺為漏刻分更代哭法大夫士則無縣壺之義也

右小斂奠

案小斂奠當在既斂之後經文已具今以上文陳小斂奠本經記注疏考之解

四柶勺各二為朝夕各進醴酒而設則大小斂奠之夕又有別進醴酒一篇經文不具讀者於此當



也考

小斂之奠子游曰於東方曾子曰於西方斂

斯席矣

曾子以俗說非又大斂奠於堂乃有席

小斂之奠在西方魯

禮之末失也

末世失禮之為非者案士喪禮小

疏曰知曾子所言

今曾子言西方非也案士喪禮大斂之奠設於尸東令云堂者後人轉寫之誤當云奠於室檀弓

士代哭不以官

詳見喪大記

有禭者則將命擯者出請入告主人待于位

喪禮略於威儀既小

斂擯者乃用辭出請之辭曰孤某使某請事疏曰案上文始死云有賓則拜之君使人弔皆不云擯者出請

入告之事至此乃云擯者出請入告是喪禮略於威儀既小斂擯者乃用辭也云出請之辭曰孤某使某請事

者此約雜記諸侯使人弔鄰國諸侯之喪嗣君在阼  
階之下使擯者出請云孤某使某請事此亦宜然 擯

者出告須以賓入

須亦待也出告之辭曰孤某須矣者此  
疏曰云出告之辭曰孤某須矣者此

約雜記辭  
為證也

賓入中庭北面致命主人拜稽顙賓升自西

階出于足西面委衣如於室禮降出主人出拜送朋友

親禭如初儀西階東北面哭踊三降主人不踊

朋友既  
委衣又

還哭於西階上不背主人  
者謂初死時庶兄弟禭使人以將命于室朋友禭親以

疏曰云朋友親禭如初儀

進是也云西階東北面哭踊三降主人不踊者案前初  
死朋友禭親以進退哭不踊注云主人徒哭不踊以為

朋友不哭主人徒哭者前文朋友君命俱來君之使者  
不哭朋友亦不哭故主人退哭此朋友特來無君命故

哭與禭者以褶則必有裳執衣如初徹衣者亦如之升

降自西階以東

褶音牒劉特獵反帛為褶無絮雖褶與禭同有裳乃成稱不用表也以東藏

以待事也古衣褶為襲複方服反禕音丹疏曰案喪大記云小斂君大夫複衣複衾大斂君褶衣褶衾大夫士猶小斂也若然則士小斂大斂皆同用褶而禭者用褶者褶者所以禭主人未必用之禭耳云帛為褶無絮雖褶與禭同有裳乃成稱不用表也者雜記云子羔之襲也繭衣裳與稅衣乃為一稱以其絮襲故須表此雖有表裏為褶衣裳別則裳又無絮非襲故有裳乃成稱不須表也言雖複與禭同者褶衣與複衣相對有著為複無著為褶散文褶亦為複也案喪大記有衣必有裳乃成稱據禕衣祭服之等而言此褶雖複與禭同亦得裳乃成稱也云藏以待事也者以待大斂事而陳之也

右有禭者

宵為燎于中庭

燎力召反或力弔反宵夜也燎火焦

反一本作燭

疏曰

案少儀云主人執燭抱燭注云未

藝曰燭古者以荆燭為燭故云燎火焦也或解庭燎與

手執為燭別故郊特牲云庭燎之百由齊桓公始也注

云僭天子也庭燎之差公益五十侯伯子男皆三十大

夫士無文大燭或云以布纏葦以蠟灌之謂之庭

燎則此云庭燎亦如之云大者對手執者為大也

右設燎士堂上一燭下一燭

詳見喪大記

厥明滅燎陳衣于房南領西上綃絞紵衾二君禭祭服

散衣庶禭凡三十稱紵不在算不必盡用

紵其鵠反劉居鵠反下皆

同盡所忍反。給單被也。衾二者始死。斂衾。今又復制也。小斂。衣數自天子達。大斂則異矣。喪大記曰。大斂布絞。縮者三橫者三。復扶又反。疏曰。云君禭祭服散衣者。士祭服有助祭爵弁服。家祭玄端服散衣。非祭服朝服之等。云庶禭者。謂朋友兄弟之等來禭者。也。云給不在算者。案喪大記。給五幅無統。鄭云。今之單被也。以其不成稱。故不在數內。云不必盡用者。案周禮。守祧職云。其遺衣服藏焉。鄭云。遺衣服。大斂之餘也。即此不盡用者也。云衾二者始死。斂衾。今又復制者。此大斂之衾。二始死。輴用斂衾。以小斂之衾當陳之。故用大斂衾小斂。已後用夷衾覆尸。故知更制一衾。乃得二也。案喪大記。君大夫小斂。已下同。云十九稱。則天子亦十九稱。大斂則異。案此云。士喪大斂三十稱。喪大記。士三十稱。大夫五十稱。君百稱。不依命數。是亦喪數略則上下之大夫及五等諸侯各同一節。則天子宜百二十稱。此鄭雖不言襲之衣數。案雜記注云。士襲三稱。大夫五稱。公九

稱諸侯七稱天子十二稱與其無文推約為義故云與以疑之

東方之饌兩瓦甒其

實醴酒角觶木柶鬯兩其實葵菹芋羸醢兩籩無滕

布巾其實栗不擇脯四脰

甒亡甫反鬯苦膳反劉苦割反羸力禾反滕大登反脰大

頂反此饌但言東方則亦在東堂下也鬯白也齊人或名全菹為芋滕緣也詩云竹柶緄滕布巾籩中也籩

豆具而有中盛之也特牲饋食禮有籩中今文羸為蝸古文滕為句緣倪面反緄古木反劉古魂反疏曰

案上小斂之饌云于東堂下此直言東方則亦東堂下云齊人或名全菹為芋者案鄭於周禮醢人注云細切

為醢全物若膳為菹凡菹者全物不得芋名此云齊人名全菹為芋者菹法舊短四寸者全之若長於四寸者

亦切之則蔡長者自然切之乃為菹但喪中之菹蔡雖長而不切取齊人全菹為芋之解也引詩者欲見滕為

緣義云籩豆具而有中盛之也者小斂一豆一籩籩豆不具故無中若然籩有中豆無中者以豆盛菹醢濕物不嫌無中故不言其實有中矣案此注引特牲記籩中鄭彼注云籩有中者果實之物多皮核優尊者此言盛之不同引之者以其彼為尸尸食故云優尊者此為神神不食故云盛之引之直取證有中覆之同

在饌北斂席在其東

大斂奠而有席彌神之者以其小斂奠無中疏曰云

奠有巾已是神之今於大掘肆見反掘其勿反又其月

四見賢通反社而甚反肆埋棺之坎者也掘之於西階上社小要也喪大記曰君殯用輜轎至于上畢塗屋

大夫殯以幛攢置于西序塗不暨于棺士殯見社塗上

帷之又曰君蓋用漆三社三束大夫蓋用漆二社二束

士蓋不用漆二社二束

反暨其器反

疏曰肆訓陳謂陳尸於坎鄭即以肆為

埋棺之坎也。知於西階上者，檀弓孔子云：夏后氏殯於東階，殷人殯於兩楹之間，周人殯於西階之上。故知士亦殯於西階之上。此殯時雖不言南首，南首可知。鄭注上文云：如商祝之事，位則尸南首。檀弓又云：葬於北方，北首則未葬已前，不忍異於生，皆南首。唯朝廟時北首，故既夕云：正柩于兩楹間，用夷牀。注云：是時柩北首，必北首者，朝事當不背父母，以首鄉之故也。引喪大記者，見君殯四面及上，盡塗之，如屋然。大夫不得如人，君四面攢之，但逼西序以木，幘覆棺，攢置于西序，攢中狹小，裁取容棺，但塗木不及棺而已。士殯見衽塗上者，即此經掘碑而見其小，要於上塗之而已。云帷之者，鬼神尚幽闇，君大夫士皆同也。云又曰：君蓋用漆三衽三束者，古者棺不釘，彼鄭注云：用漆者塗合牝牡之中也。衽小要也。棺蓋每一縫三道，小要每道為一條。皮束之故，云君蓋用漆三衽三束大夫，詳見喪有漆士無漆也。引之者，證經碑與衽之義也。二束大夫



大棺入主人不哭升棺用軸蓋在下

軸大六反軸狀如牀軸

其輪輓而行輓九勇反輓音晚本又作挽疏曰案既夕云遷于祖用軸注云軸輓軸也軸狀如轉輓刻兩頭為輓狀如長牀穿程前後著金而關軸焉大熬黍夫諸侯以上有四周謂之輓天子畫之以龍是也熬黍

稷各二筐有魚腊饌于西坵南

熬五刀反熬所以惑蚘蚘令不至棺旁也為

舉者設盆盥於西蚘音毗蚘音浮疏曰喪大記熬君四種八筐大夫三種六筐士二種四筐如魚腊焉注

云熬者煎穀也將塗設於棺旁所以惑蚘蚘使不至棺也引此士喪禮曰熬黍稷各二筐又曰設熬旁一筐大

夫三種加以梁君四種加以稻四筐則首足皆一其餘設於左右若然則此士二筐首足各一筐其餘設於左

右可知也云為舉者設盆盥於西者以小斂既云設盆盥饌于東方明大斂用西方之盆盥矣以其先陳盥後

陳鼎故於鼎上言之也

陳三鼎于門外北上豚合升魚鱠鮒九腊

左胖髀不升其他皆如初

鱠中轉反劉而專反鮒音附胖音判合升合左右體升

於鼎其他皆如初謂豚體及匕俎之陳如小斂時合升四鬯亦相互耳疏曰云如初如小斂時者謂豚七體之等一依前小斂時也云合升四鬯亦相互耳者小斂云四鬯四解為七體亦左右體合升今升左右體亦四解可知也故云相互也

右陳大斂衣奠及殯具 記生與來日死與往日

與或為予與猶數也生數來日謂成服杖以死明日數也死數往日謂殯斂以死日數也此士禮貶於大夫者大夫以上皆以來日數士喪禮曰死日而襲厥明而小斂又厥明大斂而殯則死三日

而更言三日成服杖似異日矣喪大記曰士之喪二日而殯三日之朝主人杖二者相推其然明矣

禮

曲

大斂於阼士以葦席

詳見喪大記

大斂布絞

縮者三橫者五布紵二衾君大夫士一也士陳衣

于序東三十稱西領南上絞紵如朝服絞一幅為

三不辟紵五幅無紵大斂君大夫士祭服無算君

褶衣褶衾大夫士猶小斂也

同上

士棺六寸裹棺

不緣蓋不用漆二衽二束

詳見喪大記

后木曰喪吾

聞諸縣子曰夫喪不可不深長思也

后木魯孝公子惠伯輩之

後買棺外內易我死則亦然

易以豉反  
之事非所託

此孝子疏曰

孝子既深思長慮故買棺之時當令精好斲削外內使之平易后木既述縣子之言以語其子又云在後我身若死則亦當然此是孝子所為之事非是父母豫所屬託譏后木也

有

虞氏瓦棺

始不用薪也有虞氏上陶疏曰案易下繫辭云古之葬者厚衣之以薪葬之

中野不封不樹喪期無數後世易之以棺槨蓋夏取諸大過今虞氏既造瓦棺故云始不用薪

后氏堅周

堅子栗反又音稷火熟曰堅燒土治以周於棺也或謂之土周由是也弟子

職曰右手折堅疏曰弟子職云折燭之炎燼名之曰堅故知堅是火熟者云燒土治以周於棺也者謂鑿土為陶冶之形大小得容棺也云或謂之土周由是也者曾子問云下殤土周葬於園義由

是也管子書有弟子職篇左手秉燭右  
手正聖鄭云折聖者即是正除之義  
殷人棺槨

棺音官  
上梓疏曰梓聲與寬廓相近故云大於棺也  
殷人

周人牆置翬

牆在長反翬所甲反  
此言後王之制文疏曰紫喪大記

注云在旁曰惟在上曰荒惟荒之內木  
材為柳其實惟荒及木材等摠名曰柳  
周人以殷

人之棺槨葬長殤以夏后氏之聖周葬中殤下殤

以有虞氏之瓦棺葬無服之殤

長丁文反殤式羊反  
殤未成人

疏曰有虞氏唯有瓦棺夏后氏瓦棺之外加聖周  
殷則梓棺替瓦棺又有木為槨替聖周周人棺槨  
又更於梓傍置柳置翬扇是後  
王之制以漸加文也  
孔子初仕為中

都宰

中郡魯邑

制為養生送死之節為四寸之棺五寸

之槨因丘陵為墳不封

不聚土起墳

不樹

不樹松栢

行之一

年而西方之諸侯則焉

魯國在東方故

家語

西方諸侯

皆法則案始死

奠條奠以索器陳小斂衣條袍必有表陳衣取衣絞衾死而後制設枨酒醴籩豆批畢用桑奠用素

器凡五條並陳大斂衣奠所通用當互考

燭俟于饌東

燭燠也

饌東方之饌有燭者堂雖明室猶闇火在地曰燎執之曰燭

明室猶闇者前小斂陳衣於房無燭者近戶得明故無燭此大斂奠於室之與故有燭以待之云在地曰燎者

謂若郊特牲云庭燎之百又詩云庭燎之光如此之類皆在地曰燎此云執之曰燭及少儀云主人執燭抱燠

此之類皆是人祝徹盥于門外入升自阼階丈夫踊祝

之手執燭也

祝徹盥于門外入升自阼階丈夫踊祝

祝與有司當徹小斂之奠者小斂設盥于饌東有巾大

斂設盥于門外

彌有威儀

疏曰此直云祝徹盥于門

外者不知何時設此案上小斂陳饌訖即祝徹巾授執

言設盥則陳大斂饌訖亦設盥于門外也

祝徹巾授執

事者以待

奠又將巾者於尸東使先待於阼階下為大斂

小斂奠中之今祝徹巾還為大斂奠中之前小斂奠升

自阼階設于尸東

祝受巾於阼階下而升今大斂奠亦

升自阼階設于與亦宜受巾於阼階下而升故知祝授

巾於執巾者使先待於阼階下也

又知祝還徹醴者下

文徹饌先徹饌先取醴酒北面待俱降其餘取先設

取醴故也

其餘取先設

者出于足降自西階婦入踊設于序西南當西榮如設

于堂

堂為求神於庭孝子不忍使其親須臾無所憑依也

疏曰堂謂尸東也凡奠設于序而南者畢事而去之

謂小斂奠大斂奠遷柩奠祖奠但將設後奠則徹先奠

於西序南待後奠事畢則去之故小醴酒位如初執事

斂奠設之於此不中以不久設故也

豆北南面東上如初者如其醴酒北面西上也執醴尊

尸東時醴酒先升北面西上執豆俎者立於俎北西上

至此執豆俎者豆北東上為便事事訖向東為便故東

上變位以執醴者尊仍西乃適饌東方之新饌疏曰

上是不得以執醴者尊仍西乃適饌東方之新饌疏曰

於室故知帷堂徹事

是新饌也

右徹小斂奠帷堂



婦人尸西東面主人及親者升自西階出于足西面袒

袒大斂變也不言髻免髻髮小斂以來自若矣疏曰知袒為大斂變者前將小斂袒今言袒即行大斂事故

知為大斂變也小斂袒男有髻髮免婦人有髻令大斂袒不言者自小斂以來有此至成服乃改若如也自如

常有故不士盥位如初亦既盥並立西階下疏曰言言之也亦者亦如小斂時士盥二人並

立于西階下以待遷尸也布席如初亦下莞上簟鋪鋪於阼階上於楹

疏曰言阼階上故知於楹間為少南近阼階也商祝布絞紼衾衣美者在外

君襚不倒至此乃用君襚主人先自盡疏曰始死君使人襚小斂不陳不以斂至大斂乃用主人

先自盡也有大夫則告後來者則告以方斂非斂時則當降拜之疏曰案檀弓大夫弔當事而

至則辭焉注云辭猶告也擯者以主人有事告也主人無事則為大夫出喪大記云士之喪於大夫不當斂則出注父母始死悲哀非所尊不出也上文有君命則出迎于門外是始死唯君命出若小斂後則為大夫出故雜記云當袒大夫至雖當踊絕踊而拜士舉遷尸復位之反改成踊若士來即成踊乃拜之也

主人踊無算卒斂徹帷主人馮如初主婦亦如之

疏曰士舉

遷尸謂從尸外夷牀上遷尸於斂上

右大斂

記大斂于阼

未忍便離主人位也主人奉尸斂于棺則西階上賓

之疏曰經大斂時直云布席如初不言其處故記云大斂于阼阼是主人位故鄭云未忍便離主人位也喪事所以即遠斂訖即奉尸斂于棺則西階上賓客之故檀弓云周人殯于西階則猶賓之

是也  
本經記

士之喪將大斂君不在其餘禮猶大夫

也

詳見喪大記

大夫升自西階階東北面東上

視斂疏

曰知視斂者以其文承大斂

既馮尸大夫逆降復

下

故知大夫升為視斂也

位

中庭西面位上篇朝夕哭云主人入堂下直東序西面卿大夫

疏曰知大夫位在中庭西面者

夫在其南卿大夫與主人同西面向殯故知大夫

位在中庭西面也本經記案小斂條夏后氏

尚黑一條及凡斂者袒至君不撫僕妾又奉尸夷

于堂條大夫予常事而至則辭亦大斂通用者當

互考

主人奉尸斂于棺踊如初乃蓋

棺在殯中斂尸焉所謂殯也檀弓曰殯於客位

疏曰云奉尸斂于棺謂從阼階斂上遷尸鄉西階斂於棺中乃知蓋於棺上也云棺在肆中斂尸焉者欲見

先以棺入肆中乃奉尸入棺主人降拜大夫之後至者中以尸入棺名斂亦名殯也

北面視肆

北面於西階東疏曰小斂後主人阼階下今殯後拜大夫後至者殯訖不忍即阼階因

拜大夫即於西階東北面視肆而哭也

衆主人復位婦人東復位阼階上

故殯後即向東阼階上下之位也設熬旁一筐乃塗踊

無算

以木覆棺上而塗之為火備

卒塗祝取銘置于肆主人復位踊

襲

為銘設柎樹之肆東為于偽反柎方于反疏曰始死則作銘訖置于重今殯訖取置于肆上銘所以

表柩故也云肆東者以不使當肆於東可也

右殯 記死三日而殯

詳見卒哭制 練祥禫記

士庶人三

日而殯三月而葬

王制

士殯見衽塗上帷之熬二

種四筐加魚腊焉

詳見喪大記

君於士有賜幣

亦音

注帝幕之小者所以承塵賜之則張於殯上大夫以上幕人職供焉 疏曰賜惠賜也帝者幕之小

者也大夫以上喪則幕人職供之也士唯有君恩賜之乃得有帝也 檀弓

既殯主

人說髦

說吐活反劉詩悅反髦音毛 于律復位時也今文說皆作稅兒生三月

既殯置銘

鬚髮為鬢男角女羈否則男左女右長大猶為飾存之謂之髦所以順父母幼小之心至此尸柩不見喪無飾可以去之髦之形象未聞 鬢丁果反又徒禍反 疏曰凡說髦尊卑同皆三日知者喪

大記云小斂主人即位于戶內乃斂卒斂主人馮  
之主人袒說髻髻髮以麻注云士既殯說髻此云  
小斂蓋諸侯禮也士之既殯諸侯之小斂於死者  
俱三日也是尊卑同三日也必三日說髻者案禮  
記問喪云三日而不生亦不生矣以髻是子事父  
母之飾父母既不生故去之云兒生三月髻髮為  
髻男角女羈否則男左女右者內則文彼注云夾  
凶曰角午達曰羈引之者證髻象幼時髻之義故  
云長大猶為飾存之謂之髻所以順父母幼小之  
心是以舜年五十不失孺子之心者也云髻之形  
象未聞者案詩云髻彼兩髦鄭云髻者髮至眉子  
事父母之飾以其云髻髻者垂之貌又云兩髦故  
以髮至眉解之其狀  
猶未聞本經記

乃奠燭升自阼階祝執巾席從設于奧東面

從才用反  
奧一報反

執燭者先升堂照室自是不復奠於尸祝執巾與席者從入為安神位室中西南隅謂之與執燭南面巾委於席右疏曰云執燭者先升堂照室者以其設席于與當先照之為明也云自是不復奠於尸者自始死已來襲奠小斂奠皆在尸旁今大斂奠不在西階上就柩所故於堂內設之自此已下朝夕奠朔月薦新奠皆不於尸所知執燭南面者以其燭先入室南面照之便故也云巾委於席右者以巾為神故知委於席右也

祝反降及執事執饌

東方士饌

士盥舉鼎入西面北上如初

載魚左首進簪三列腊進抵

簪巨之反

如初如小斂

儀魚左首設而在南簪脊也左首進簪亦未異於生也凡未異於生者不致死也古文首為手簪為耆疏曰云左首進簪亦未異於生也者案公食右首進簪此云左首則與生異而云亦未異於生者下文注載者統於

執設者統於席彼公食言右首據席而言此左首據載者統於執若設於席前則亦右首也云不致死也者擅

不異於生死而致死之不仁而不可為也今進魚祝執醴

如初酒豆籩俎從升自阼階丈夫踊甸人徹鼎

如初祝

疏曰以其小斂祝執醴醴在奠由楹內入于室醴酒北

面亦如初疏曰以其小斂之醴酒先升北面西上此

文略設豆右菹菹南栗栗東脯豚當豆魚次腊特于俎

北醴酒在籩南巾如初右菹菹在醴南也此左右異於

醴當栗南酒當脯南疏曰云設豆右菹者凡設醴自

然在左是以鄭云右菹菹在醴南也云此左右異於魚



者載者統於執設者統於席者鄭以上文魚言左首據  
載者統於執故云左首及設則右首此言設豆右首據  
設者統於席前若執來即左蒞也云醴當栗南酒當脯  
南者以其陳饌要成尊者後設故先設栗脯於北乃於  
南設醴酒酒在東故醴  
在栗南酒在脯南也 既錯者出立于戶西西上祝後

闔戶先由楹西降自西階婦人踊奠者由重南東丈夫

踊闔戶臘反為神馮依之也為于偽反疏曰鄭  
解丈夫見奠者至重即踊者重主道為神馮依之故

丈夫取以賓出婦人踊主人拜送于門外入及兄弟北  
為踊節也

面哭殯兄弟出主人拜送于門外小功已下至此可以  
歸異門大功亦存焉

疏曰云北面哭殯者案喪大記云大夫士哭殯則杖  
哭柩則輯杖注云哭殯謂既塗也哭柩謂啓後也此哭

不言杖者丈畧也云小功以下至此可以歸者案喪服記云小功以下為兄弟則此兄弟可以兼男女也云異門大功亦存焉者大功容有同門有同財以異門疏至此亦可以歸故云亦存焉謂存在家之法也既殯雖歸至朝夕朔奠之日近者亦入哭限也若至葬時皆就柩所故既夕反哭云兄弟出主人拜送注云兄弟小功以下也異門大功亦可以歸是也衆主人出門哭止皆西面于東方闔門

右大斂奠

記巾奠執燭者滅燭出降自阼階由

主人之北東

巾奠而室事已疏曰上篇大斂奠時直云乃奠燭升自阼階無執燭降

由主人之北故記人言之云由主人之北東也云中奠而室事已者既巾訖是室事已故執燭者出

也經記本

曾子問曰大功之喪可以與於饋奠之

事乎

饋奠在殯時也

孔子曰豈大功耳自斬衰以下皆可

禮也曾子曰不以輕服而重相為乎

怪以重服而為人執事

孔子曰非此之謂也

非謂為人謂於其所為服也疏曰孔子所論據所服者

言之曾子又不解孔子之旨謂言為他人故更問云若為他人不以輕已喪服而重他人相為饋奠乎孔子乃答云我之所言據所為服者饋奠非此為他人之謂也天子諸侯之喪

斬衰者奠

為君服者皆斬衰唯主人不奠

大夫齊衰者奠

服斬衰者不奠

辟正君也齊衰者其兄弟

疏曰大夫之喪子服斬衰者不親奠此服斬衰謂大夫家臣雖服斬衰

不得饋奠辟天子諸侯之正君也云齊衰者其兄弟者以大夫之喪子及屬臣皆服斬衰今服齊衰

唯兄士則朋友奠不足則取大功以下者不足則

反之時服齊衰者不奠辟大夫也言不足者謂殷奠

稷用人多也殷盛也以月朔之奠盛於常奠非月

半之殷奠也以士月半不殷奠故也以次差之天

子斬衰者奠夫用齊衰士則應先取大功令先

取朋友者以天子諸侯皆使臣為奠大夫辟正君

故遣兄弟奠士則位卑不嫌敵君故遣僚屬奠僚

屬則朋友也案士虞禮祝免澡葛經帶鄭云治葛

以為首經及帶接神宜變也然則士之屬官為其

長弔服加麻矣祝則僚屬也及麻則朋友也

子問朔月奠等條通用

主人揖就次次謂斬衰倚廬齊衰墜室也大功有帷帳

小功總麻有牀第可也 墜音於各反

疏曰凡言次者廬聖室以下摠名是賓客所在亦名次也故引禮記間傳為證案間傳云父母之喪居倚廬寢苦枕塊不說經帶齊衰居聖室芻蕘不納大功寢有席小功總麻牀可也齊衰既居聖室故大功已下有帷帳也

## 右喪次

### 記居倚廬

倚木為廬在中門外東方北疏曰初死居倚廬倚廬

中門外東方者以中門內殯宮之哭位在阼階下西面鄉殯明廬在中門外亦東方鄉殯北戶者以倚東壁為廬一頭至北明北戶鄉陰至既虞之後柱楣翦屏乃西鄉開之寢苦枕塊失占反枕之鴛反苦編藁塊塙也孝子寢卧之時寢於苦以塊枕頭必寢苦者哀親之在草枕塊者哀親之在土云苦編藁者案爾雅白蓋謂之苦郭云白茅苦也與此不同者彼取潔白之義此不

取潔白故鄭因時人用藁為苦不言編藁塊塢也者亦爾雅文不說經帶哀戚不在於安

其經帶疏曰云不說經帶者冠衰自然不說以哭晝夜

無時

哀至則哭非必朝夕疏曰此謂殯後在廬中除朝夕入哭於廬中思憶則哭無時節故

鄭云哀至則哭非喪事不言四制云不言而事行者扶而

起言而后事行者杖而起庶人面垢而已天子諸侯有臣不言而喪事得行者喪事亦不言大夫士

是臣降於君言而事行若然此士禮亦言而事行故於喪非喪事不言也孝經云言不文亦據大夫

士也曲禮云居喪未葬讀喪禮既葬讀祭禮喪復常讀樂章喪事而言亦兼此也歡粥朝

一湔米夕一湔米不食菜果歡昌悅反粥之六反劉音育湔音逸劉音

寔不在於飽與滋味粥糜也二十兩曰溢為米  
一升二十四分升之一實在木曰果在地曰菰  
疏曰云不在於飽者案周禮康人中歲人食三鬴  
注云六斗四升曰鬴三鬴為米一斛九斗三升三  
十日之食則日食米六升四合今日食米一溢二  
升有餘是不在於飽食貨志臣瓚以為在地曰菰  
在樹曰果此云在木曰果在地曰菰用臣瓚之義  
在木曰果棗栗之屬在地曰菰瓜匏之屬本經  
記案喪次居處之節亦非一事今姑存本經  
於此凡它記所見者別見喪通禮篇居處章  
服傳斬衰條與此大  
同小異今各從其處

君若有賜焉則視斂既布衣君至

賜恩惠也斂大斂視大斂皮弁服襲裘

主人成服之後往則錫衰疏曰案雜記云公視大斂  
公升商祝鋪席乃斂注引喪大記曰大夫之喪將大斂

既鋪絞終衾君至此君升乃鋪席則君至為之改始新之此經上下不言改新者文不具也喪大記云君於士既殯而往為之賜大斂焉云君視大斂皮弁服襲裘者案喪服小記云諸侯弔必皮弁錫衰言諸侯不言君者以其彼是弔異國之臣法緣弔異國之臣服皮弁則君弔士未成服之前可服皮弁襲裘之文出檀弓子將弔小斂後襲裘帶經而入此小斂後亦宜然也云成服之後往則錫衰者亦約服問君弔卿大夫之法文王世子注同姓之士總衰異姓之士疑衰不同者彼謂凡平之士此士於君有師友之恩特賜與大夫同也主人

出迎于外門外見馬首不哭還入門右北面及衆主人

袒不哭厭於君不敢伸其私恩

巫止于廟門外祝代之小臣二人執

戈先二人後

小臣掌王君之法儀者周禮男巫王弔則與祝前喪祝王弔則與巫前檀弓曰君臨



臣喪以巫祝桃茢執戈以惡之所以異於生也皆天子之禮諸侯臨臣之喪則使祝代巫執茢居前下天子也

小臣君行則在前後君升則俠阼階北面凡宮有鬼神曰廟茢音列又音例疏曰云小臣君行則在前後

者非直為予喪則几平行皆有以其與君為儀衛者云君升則俠阼階案顧命云二人雀弁夾階是其類也云

凡宮有鬼神曰廟者以君釋采入門主人辟采七代反經云廟謂適寢為廟

祝為君禮門神也必禮門神者明君無故不來也禮運曰諸侯非問疾弔喪而入諸臣之家是謂君臣為謏

君升自阼階西鄉祝負墉南面主人中庭祝南面房中東鄉君墻謂

之墉主人中庭進益北疏曰祝必負墉南面鄉君者紫喪大記云君視祝而踊祝相君之禮故須鄉君也云

主人中庭進益北者前主人先入門右中庭之南今云中庭明益北至庭也君哭主人哭拜

稽顙成踊出

出不敢必君之卒斂事

君命反行事主人復位

大斂事

君升主人主人西楹東北面

命主人使之升

升公卿大夫繼主

人東上乃斂

公大國之孤四命各反

春秋傳曰吾公在壑

四命故云大國之孤四命也引春秋者襄三十年左氏傳文鄭為伯爵不合立孤但良霄鄭之公族大夫貴重

之極以此大國之孤故臣子尊其君亦號為公引之者證經公是公之孤也以其天子有三孤副貳三公大國

無公唯有孤亦號為公是以燕禮亦謂之為公也

卒公卿大夫逆降復位主人

降出

逆降者後升者先降位如朝夕哭弔之位

出先君反主人主人中庭君坐撫當心主人拜稽顙成踊

出

撫手案之凡馮尸興必踊者喪大記文此經直云君坐撫當心主人

直踊又不言馮尸而鄭云凡馮尸興必踊者欲見撫即馮之類興亦踊故得與主人拾踊也是以喪大記馮尸

不當君所又云凡馮尸君反之復初位衆主人辟于東

壁南面

辟婢亦反以君將降也南面則當坵之東疏曰君反之復初位初位即中庭位以其文承

中庭位故也云以君將降者下文君降西鄉命主人馮尸則君降當在阼階下西面命之故衆主人辟君東壁南面南面則西頭為首者當君降西鄉命主人馮尸主

人升自西階由足西面馮尸不當君所踊主婦東面馮

亦如之

君必降者欲孝子盡其情

奉尸斂于棺乃蓋主人降出君反

之入門左視塗

拜在西階上入門左由便趨疾不敢久留君便婢面反

君升即位

衆主人復位卒塗主人出君命之反奠入門右

亦復中庭位

疏曰經云入門右注復中庭位謂在門右南北當中庭也

乃奠升自西階

以君在阼疏曰以

其凡奠皆升自阼階是為君在阼故辟之而升西階也

君要節而踊主人從踊節

執奠始升階及既奠由重南東時也疏曰云節謂執奠始升階及既奠由重南東時也者案上云大斂奠升

時丈夫踊降時婦人踊由重南而東丈夫踊此注不云降時踊者以經直有君與主人丈夫踊節故不言降時

踊節也

卒奠主人出哭者止

以君將出不敢謹囂聒尊者也謹火官反又許元反囂

許驕反劉五高反聒古活反

君出門廟中哭主人不哭辟君式之

辟婢

亦反 辟遠遁 辟位也 古者立乘式謂小俛以禮主人  
也 曲禮曰立視五僦式視馬尾 迤七旬反 迤音旬 辟  
音避 乘繩證反 俛音免 疏曰君入臣家至廟門乃下  
車則貳車本不入大門下云 貳車畢乘主人哭拜送者  
明出大門矣 云辟遠遁 辟位也 者案曲禮云君出就車  
左右攘辟則此云辟亦是主人攘辟故云 迤遁 辟位也  
云古者立乘者以其坐乘則不得式而小俛故云 古者  
立乘也 知式是禮主人者 曲禮云式宗廟曾子問尸弁  
冕而出卿大夫士皆下之尸必式是凡式皆是禮前物  
為式引曲禮者欲見式小俛若小俛為式則低頭視馬  
尾故連引曲禮 貳車畢乘主人哭拜送 貳車副車也 其  
云式視馬尾也 等君出使異姓之士乘之在後 君弔益乘象路 曲禮曰  
乘君之乘車不敢曠左 左必式 疏曰案周禮大行人  
云上公貳車九乘侯伯貳車七乘子男貳車五乘故知  
視命數也 云君出使異姓之士乘之在後者 禮坊記云

君不與同姓同車與異姓同車彼謂與君同在一車為御與車右者也此經云貳車畢乘明亦使異姓之士乘之在後可知云君弔蓋乘象路者案周禮巾車職王有五路玉金象革木諸侯則同姓金路已下異姓象路已下四衛革路已下蕃國唯有木路若然唯王與同姓異姓得弔乘象路今云蓋乘象路者以諸侯言之唯據上公與侯伯於王有親者得用象路弔臨其臣以巾車又云象路以朝釋曰王以朝及燕出入雖不言弔臨然弔臨亦是出人之事故云蓋以疑之若四衛諸侯侯伯已下與王無親者亦各乘已所賜之車革路木路之等今鄭於貳車之下言所乘車者以其言貳車其飾皆與正車同故於貳車以下言君之所乘車也引曲禮乘君之乘車則貳車是也以其與君為副貳即是君之乘車也彼注云君存惡空其位則此乘車亦居左云左必式者不敢立視焉

襲入即位衆主人襲拜大夫之後至者成常為式耳

踊後至布衣而後來者 疏曰知布衣而後來者若未  
布衣時來即入前卿大夫從君之內今承上君大夫  
之下別言拜大夫之後至者明布衣後來不得與  
前卿大夫同時從君入者故鄭以布衣之後解之賓出  
主人拜送 自賓出以下如君不在之儀 疏曰上經君  
君出後有賓來即乃得別與主人為禮  
故云自賓出以下如君不在之儀也

右君視斂 記君於士既殯而往為之賜大斂焉

詳見喪大記

君視斂若不待奠加蓋而出不視斂則

加蓋而至卒事

為有他故及辟忌也 疏曰君於士既殯而往有恩則與大斂既布

衣君至奠訖乃出不辨不得終視斂之事故記人明之云君視斂若不待奠加蓋而出者一為君有

急事他故是以不得待奠云不視斂則加蓋而至卒事者亦是君有辟忌不用見尸柩是以加蓋乃來云卒事者待大斂訖乃出本經記

大夫士若君不戒而往不

具殷奠君退必奠

詳見喪大記

三日成服杖

既殯之明日全三日始歛粥矣曲禮曰生與來日歛昌悅反粥之六反劉音育

疏曰云既殯之明日者上厥明滅燎者是三日之朝行大斂之事今別言三日成服則除上三日更加一日是四日矣而言三日者謂除死日數之為三日也云全三日始歛粥矣者謂成服日乃食粥除此日已前是未全死日不數成服日故云三日不食孝經三日而食者是除死日數故云三日而食也



右成服

記生與來日

詳見上陳大斂條

三日絞垂

成服

日絞要經之散垂者散悉但反疏曰以經小斂日要經大功以上散帶垂不言成服之時絞之

故記人言之云成服日者士禮生與來日則除小三日則經云三日成服此云三日絞垂之日也

功絕麻初而絞冠六升外緹纓條屬厭又扶結反之不待三日也

屬音燭厭一涉反緹謂縫著於武也外之者外其餘也纓條屬者通屈一條繩為武垂下為纓屬

之冠厭伏也著直略反疏曰云冠六升者據斬衰者而言齊衰以下冠哀各有差降云緹謂縫

著於武者古者冠吉凶皆冠武別材武謂冠卷以冠前後皆縫著於武若吉冠則從武上鄉內縫之

緹餘在內謂之內緹若凶冠從武下鄉外縫之謂之外緹故云外之者外其餘也云纓條屬者通屈

一條繩為武垂下為纓屬之冠者吉冠則纓武別材凶冠則纓武同材以一繩從前額上以兩頭向項後交通至耳各綴之於武使向下纓結之云屬之冠者先為纓武訖乃後以冠屬著武故云屬也云厭伏也者以其冠在武下過鄉上反縫著冠冠在武下故云厭也五服之冠皆厭但此文上下據斬哀而

**衰三升**

言裳者以其衰裳升數同故經舉

哀而通裳但首對身首為尊故冠六升衰三升裳同三升也是以吉時朝服十五升至於麻冕鄭亦為三十升布與屨外納納收餘也疏曰管屨服一倍而解之屨外納也云外納者謂收餘末鄉外為之取醜杖下本竹桐一也順其性也疏惡不事飾故也杖下本竹桐一也曰案喪服記為父斬衰以苴杖竹為母齊衰以削杖桐桐竹皆下本本謂根本鄭云順其性者謂下其根本順木之

性但為父杖竹者義取父者子之天竹性自然圓象天父子自然至孝為母杖桐者義取桐者同也同之于父言至孝同之於父

拜君命及衆賓不拜棺中之賜

禮尊者加惠明日必往拜謝之棺中之賜不施

已也 疏曰云禮尊者加惠明日必往拜謝之者案既夕記云主人乘惡車注云拜君命是也

右拜君命及賓 記主人乘惡車

拜君命拜衆賓及有故行所乘

也雜記曰端哀喪車皆無等然則此惡車王喪之木車也古文惡作聖 疏曰引雜記者證喪事上下同以其貴賤雖異於親一也此惡車王喪之木車者案巾車云王之喪車五乘發首云木車蒲蔽是王始喪所乘木車無飾與此 白狗辟 辟亡伙反惡車同故引之見尊卑同也

未成豪狗臂覆苓也以狗皮為之取其腠也白於喪飾宜古文臂為冢答力丁反劉音領本或作

輅乃管反疏曰案玉藻云士齊車虎臂此喪車無飾故用白狗臂以覆苓云未成豪狗者爾雅

釋畜文也蒲蔽蔽蒲疏曰藩謂車兩邊禦也御以蒲蔽風為藩蔽以蒲草亦無飾也

敢側留反劉作侯反疏曰士乘惡車之時御車用蒲也古文敢作駟疏曰士乘惡車之時御車用蒲

敢以策馬喪中示不在於驅馳云蒲蔽牡蒲莖者案宣十二年知莊子每射抽矢敢納諸厨武子之

房服注云敢好箭以此而言犬服苓間兵服以蒲非直得策馬亦為矢幹也

堅也亦白疏曰用兵器建之於車上苓間喪家乘車亦有兵器自衛以白犬皮為服故云

以犬皮為之取其堅固也臂亦白者木館館音管臂用白狗皮明此亦用白犬皮也

聲令文館為鎡鎡戶瞎反疏曰約綏約轡約

其車鎡常用金喪用木是取少聲也

綏所以引升車疏曰案哀十一年左傳云人尋

約吳髮短杜注云約繩也故知此約亦謂繩也平

常吉時綏轡用索為之今喪中木鑣鑣彼苗反

取其無飾故皆用繩為之也

文鑣為苞疏曰平常用馬鑣以馬不齊髦齊如

金為之令用木故知亦取少聲也

子淺反齊剪也今文髦為毛主人之惡車如王

之木車則齊衰以下其乘素車縵音早駢步江反與音余疏曰此注解文不

於末者亦以釋不齊髦訖別記釋車義故也云齊

衰以下其乘素車縵音早駢步江反與音余疏曰此注解文不

喪車五乘木車始死所乘素車卒哭所乘縵車既

練所乘駢車大祥所乘漆車既禫所乘此士之喪

車亦當五乘主人乘惡車齊衰乘素車與卒哭同

大功乘纁車與既練同小功乘駟車與大祥同總  
麻乘漆車與既禫同主人至卒哭已後哀殺故齊  
衰以下節級約與主人同故鄭為此義也若然士  
尋常乘棧車不革輓而漆之令既禫亦與王以下  
同乘漆車者**主婦之車亦如之疏布祔**祔尺占反  
禮窮則同也

裳帷於蓋弓垂之疏曰疏布祔在亦如之之下  
見不與男子同云祔者車裳帷者案衛詩云漸車  
帷裳注云帷裳童容又案巾車古之翟車有容蓋  
容則童容也若然則祔與帷裳及容一也故注者  
互相曉也云於蓋弓垂之者案巾車云皆有  
容蓋容蓋相將其蓋有弓明於蓋弓垂之也**貳車**  
**白狗攝服**貳副也攝猶緣也狗皮緣服差飾緣  
悅絹反差初賣反疏曰依正禮大夫  
以上有貳車士卑無貳車但以在喪可有副貳之  
車非常法則有兵服服又加白狗皮緣之謂之攝

服云狗皮緣服差飾者對主其他皆如乘車如所

車服無緣此則有緣是差也其他皆如乘車如所

車白狗幣以下齊髦以上皆同主人惡車也本

經記

端哀喪車皆無等

詳見喪服變除通記喪車條

朝夕哭不辟子卯

既殯之後朝夕及哀至乃哭不代哭也子卯桀紂亡日凶事不辟吉事闕

焉

疏曰殯後阼階下朝夕哭廬中思憶則哭云不代

哭也者未殯以前大夫以上以官代哭士以親疏代哭

不絕聲云子卯桀紂亡日詩云韋顧既伐昆吾夏桀左

傳云乙卯昆吾稔之日昆吾與夏桀同時誅則桀以乙

卯亡案尚書牧誓序云時甲子昧爽武王伐紂之日是

紂以甲子日死王者以為忌日云凶事不辟者即此經

是也云吉事闕焉者擅方婦人即位于堂南上哭丈夫

云子卯不樂是吉事闕也

即位于門外西面北上外兄弟在其南南上賓繼之北  
上門東北面西上門西北面東上西方東面北上主人

即位辟門

辟婢亦反外兄弟異姓有服者也辟開也凡廟門有事則開無事則閉疏曰喪大記

云祥而外無哭者則此外位皆有哭今直云婦人哭則丈夫亦哭矣但文不備也案下注云兄弟齊衰大功者主人哭則哭小功總麻亦即位乃哭是也云外兄弟異姓有服者謂若舅之子姑姊妹從母之子等皆是有服者也云凡廟門有事則開無事則閉者有事謂朝夕哭及設奠之時無此事等則閉之鬼神尚幽闇故也

人拊心不哭

拊芳甫反方有事止謹囂有事者謂下經徹大斂奠設朝奠之事也

主人拜賓旁三右還入門哭婦人踊

先西面拜乃南面拜也疏



曰知先西面後東面者以經云旁三右還入門故主人知先西面後乃東遂北面入門以一面故云旁

堂下直東序西面兄弟皆即位如外位卿大夫在主人

之南諸公門東少進他國之異爵者門西少進敵則先

拜他國之賓凡異爵者拜諸其位

直音值下直西同賓皆即此位乃哭盡

哀止主人乃右還拜之如外位矣兄弟齊衰大功者主人哭則哭小功緦麻亦即位乃哭上言賓此言卿大夫

明其亦賓爾少進前於列異爵卿大夫也他國卿大夫亦前於列尊之拜諸其位就其位特拜疏曰既云如

外位又案外位主人之南有外兄弟其南乃有賓此內位主人之南即有卿大夫不言兄弟者以外兄弟雖在

主人之南以少退故卿大夫繼主人而言也云諸公門東少進者謂門東有士故云少進少進於士此所陳位

不言士之屬吏者案大夫家臣位在門右則士之屬吏亦在門右又在賓之後也云賓皆即此位乃哭盡哀止主人乃右還拜之者亦右還如外位也云兄弟齊衰大功者主人哭則哭者以其大功已上親無門外內位但主人哭則亦哭矣小功總麻疏故入即進前於士之列也云異爵卿大夫也者以主人是士明異爵是卿大夫也云他國卿大夫亦前於列者以經云他國之異爵者門西少進亦當前於士之位也云拜諸其位就其位特拜者以其異爵則亦卿大夫故知特拜一一拜諸其位也

右朝夕哭 記朝夕哭不帷 惟位悲反 緣孝子心欲見殯肆也既出

則施其屋鬼神尚幽闇也 疏曰孝子欲見殯故當朝夕進入廟門內哭泣之時除去殯官帷也哭竟則帷之注既出則施其屋者案士喪禮君使人予徹帷鄭云徹帷屋之事畢則下之屋是褻舉之

名初哭則褻舉事畢則施下之雜記

惟殯非古也自敬姜之哭

穆伯始也

穆伯魯大夫敬姜穆伯妻也禮朝夕哭不惟以孝子思念

其親故朝夕哭時乃褻徹其帷也令敬姜之哭穆伯以辟嫌之故遂朝夕哭不復徹帷故下文云穆

伯之喪敬姜晝哭與此同也檀弓

徹者盥于門外燭先入升自阼階丈夫踊

徹者徹大祝斂之宿奠祝

取醴北面取酒立于其東取豆籩俎南面西上祝先出

酒豆籩俎序從降自西階婦人踊

序次也疏曰序次者次第人使相當此

經所言先後則祝執醴在先設于序西南直西祭醴酒

北面西上豆西面錯立于豆北南面籩俎既錯立于執  
豆之西東上酒錯復位醴錯于西遂先由主人之北適  
饌遂先者明祝不復位也適饌適新饌將復奠疏曰  
云遂先者明祝不復位也者以其云遂先先即祝不  
得復位遂適  
東相新饌也

### 右徹大斂奠

乃奠醴酒脯醢升丈夫踊入如初設不巾

入入於室也如初設者豆

先次籩次酒次醴也不巾無菹無栗也菹栗具則有俎  
有俎乃巾之疏曰云入入於室也者以其設奠在室  
中故也云如初設者豆先次籩次酒次醴也者以其大  
斂有俎籩豆又多今言如初設直豆籩酒醴見用者先

後次第耳云不巾無菹無栗也者以大斂奠魚有菹栗則巾之是以檀弓云喪不剥奠也與祭肉也與其大斂皆有俎俎有祭肉故巾之也若然朝廟之奠亦是錯者宿奠無菹栗有巾者為在堂而久設塵埃故也

出立于户西西上滅燭出祝闔户先降自西階婦人踊

奠者由重南東丈夫踊賓出婦人踊主人拜送

哭止乃奠奠則

禮畢矣今文無拜疏曰云祝闔户先降者以其出户時祝闔户在後故須云祝先降也云哭止乃奠者謂朝夕哭止拜賓乃奠奠則禮畢矣

衆主人出婦人踊出門

哭止皆復位闔門主人卒拜送賓揖衆主人乃就次

右朝夕奠 記朝奠日出夕奠逮日

逮音代或大計反注陰

陽之交庶幾  
遇之 擅弓

朔月奠用特豚魚腊陳三鼎如初東方之饌亦如之月朔

月朔日也自大夫以上月半有奠如初者謂大斂時  
疏曰知大夫以上月半有奠者下經云月半不殷奠士

不者大夫已上則有之謂若下文云不述命大夫已上  
則有之又若特牲云士不誼日大夫已上則誼諸士言

不者大夫已上則皆有之故知大夫已上又有月半奠  
也云如初者謂大斂時者以其上陳大斂事此言如初

故知如大斂時也 無籩有黍稷用瓦敦有益當籩位 黍稷併於  
無北也於

是始有黍稷死者之於朔月月半猶平常之朝夕大祥  
之後則四時祭焉 併補郢反又必性反 疏曰始死

以來奠不言黍稷至此乃言之故於是云始有黍稷也  
云死者之於朔月月半猶平常之朝夕者謂猶生時朝

夕之常食也案既夕記云燕養饋羞湯沐之饌如他日  
注云燕養平常所用供養也饌朝夕食也蓋四時之珍  
異若然彼謂下室中不異於生時殯宮中則無黍稷今  
至朔月月半乃有之若朔月月半殯宮中有黍稷下室  
則無故既夕記云朔月若薦新則不饋於下室注云以  
其殷奠有黍稷也下室如今之內堂是也是以云猶平  
常朝夕決之也云大祥之後則四時祭焉者士虞禮禫  
月吉祭猶未配是大祥之後得四時祭若虞祭之後卒  
哭之等雖不四時亦主人拜賓如朝夕哭卒徹徹宿  
有黍稷是其常也

鼎入升皆如初奠之儀執杞釋匕于鼎俎行杞者逆出

甸人徹鼎其序醴酒菹醢黍稷俎

俎行者俎後執執俎者行鼎可以出其序

升入之次

疏曰云俎行者俎後執執俎者行鼎可以  
出者案下文設時豆錯俎錯黍稷後設則俎宜在黍稷

前今在泰稷後而言俎行者欲見俎雖在泰稷前設以執之在後欲與鼎已出為節故云俎行即七鼎出也云

其序升入之次者謂如經醴已下次第也其設于室豆錯俎錯腊特黍稷當

邊位敦啓會卻諸其南醴酒位如初

會古外反當邊位俎南黍稷東稷

會蓋也今文無敦疏曰知當邊位俎南黍稷東稷者依特牲所設為之也

祝與執豆者巾

乃出

共為之也

主人要節而踊皆如朝夕哭之儀月半不殷

奠

殷盛也士月半不復如朔盛奠下尊者曰云下尊者以下大夫以上有月半奠故也

有薦新

如朔奠

薦五穀若時果物新出者疏曰案月令仲春開冰先薦寢廟季春云薦鮪于寢廟孟春云以

羴嘗麥羞以含桃先薦寢廟皆是薦新如朔奠者牲牢籩豆一如上朔奠也

徹朔奠先取醴



酒其餘取先設者敦啓會面足序出如入

啓會古外反

復蓋也面足執之令足間鄉前也敦有足則敦之形如今酒敦

疏曰以前設前即不蓋至徹亦不蓋今經云

敦啓會嫌先蓋至徹重啓之故云不復蓋也

其設于外如於室

外序西南

右朔月奠薦新

朔月童子執帚卻之左手奉之

童子隸子弟若內豎寺人之屬執用左手卻之示未用

疏曰案曲禮埽地者箕箒俱執此直執帚

不執箕者下文埽室聚諸爰故不用箕也左傳云士有隸子弟注云士卑自其子弟為僕隸祿不足

以及宗是其有隸子弟也云從徹者而入

童子不專禮事

疏曰注引玉藻無事則立主人之南北面皆不專以禮事故從徹者而入也

比奠舉席

婦室聚諸突布席如初卒奠婦者執帚垂末內鬢

從執燭者而東

比必二反注同突一帛反又音杳見爾雅鬢音獵又以接反此猶

先也室東南隅謂之突先悉見反疏曰案上文童子從徹者入及此經則從燭者出者以其入則燭在先徹者在後出則徹者在先執燭者在後童子常在成人之後故出入所從不同也云室中東南隅之謂突者爾雅釋官文本經記燕養饋羞湯沐之饌如他

曰

燕養平常所用供養也饋朝夕食也羞四時之珍異湯沐所以洗去汙垢內則曰三日具沐五

日具浴孝子不忍一日廢其事親之禮於下室日設之如生存也進徹之時如其頃供九用反洗悉禮反劉本作淬七對反疏曰云燕養者謂在燕寢之中平生時所有共養之事則饋羞湯沐之

饌是也如他日者令死不忍異於生平之日也云  
饋朝夕食也者鄭注鄉黨云不時非朝夕日中時  
一日之中三時食今注云朝夕不言日中者或鄭  
略言亦有日中也或以死後略去日中直有朝夕  
食也知羞四時之珍異者聘禮有禽羞俶獻聘義  
云時賜鄭云時賜四時珍異故知此羞亦四時珍  
異也引內則者證經進湯沐亦依內則之日數知  
下室日設之者下經云朔月不饋食於下室明非  
朔月在下室設之也以其燕養在燕寢中設之可  
知云進徹之時如其頃者一如其平生子進食於  
父母故雖死象生朔月若薦新則不饋於下室其  
時若一食之頃也  
殷奠有黍稷也下室如今之內堂正寢聽朝事  
朝直遙反疏曰大小餼奠朝夕奠等皆無黍稷  
故上篇朔月有黍稷鄭注云於是始有黍稷唯有  
下室若生有黍稷今此殷奠自有黍稷故不復饋

食於下室也若然大夫已上又有月半奠有黍稷亦不饋食於下室可知云下室如今之內堂者下室既為燕寢故鄭舉漢法內堂況之云正寢聽朝事者天子諸侯路寢以聽政燕寢以燕息案玉藻云朝玄端夕深衣鄭注云謂大夫士也則聽私朝亦在正寢也本經記有薦新如

朔奠

重新物為之殷奠疏曰朔禮視大斂士則持豚三鼎令若有新物及五穀始熟薦於亡

者則其禮牲物如朔之奠也大夫以上則朔望大奠若士但朔而不望檀弓陳小斂條枇畢用桑奠以素器大斂奠條曾子問大功與饋奠以下當互考

筮宅家人營之

宅葬居也家人有司掌墓地兆域者營猶度也詩云經之營之度大角反

掘四隅外其壤掘中南其壤

為葬將北首故也疏曰云為葬將北首者解掘中

南其壤為葬時北首故壤在足處案禮既朝哭主人皆

往兆南北面免經

免如字又音勉免經者求吉不敢純凶兆域也新營之處

疏曰案雜記云大夫卜宅與葬日有司麻衣布哀布帶因喪屨緇布冠不綈占者皮弁下又云如筮則史練冠長衣以筮占者朝服彼有司與占者之服不純吉亦不純凶此乃主人之服不純吉免經亦不純凶也

筮者在主人之右

命尊者宜由右出也少儀曰贊幣自左詔辭自右少詩召反疏曰云

命尊者宜由右出也者對贊幣卑者在左故引少儀為證也

筮者東面抽上韞兼執

之南面受命

韞音獨函也韞藏筮之器也兼與筮執之今文無兼疏曰云抽上韞者則下韞

未抽待用筮時乃并抽也命曰哀子某為其父某甫筮宅度茲幽宅

兆基無有後艱

為于偽反甫矣宅居也度謀也茲此也

某甫某字也若言山甫孔

為其父筮葬居今謀此以為幽冥居兆域之始得無後

將有難艱乎艱難謂有非常若崩壞也孝經曰卜其宅

兆而安厝之古文無兆基作期疏曰上大夫以上卜

而不筮故雜記云大夫卜宅與葬日下文云如筮則史

練冠鄭注云謂下大夫若士也則卜者謂上大夫上大

夫卜則天子諸侯亦卜可知但此注兆為域彼注兆為

吉兆不同者周禮大卜掌三兆有玉兆瓦兆原兆孝經

注亦云兆塋域此文主人皆往兆南北面兆為塋域之

處筮人許諾不述命左還北面指中封而筮卦者在左

還劉戶串反一音旋述循也既受命而申言之曰述

不述者士禮略凡筮因會合筮為述命中封中央壤也

卦者識爻卦畫地者古文述皆作術畫音獲疏曰

述命者案少牢是大夫筮禮彼上文云主人曰孝孫某

來日丁亥以下是為命筮下文云遂述命卒筮執卦以  
曰假爾泰筮有常是也不述者士禮略

示命筮者受視反之東面旅占卒進告于命筮者與主

人占之曰從

卒筮卦者寫卦示主人乃受而執之旅衆也反與其屬共占之謂掌連山歸藏周易

者從猶吉也疏曰經云卒筮執卦以示命筮者不言主人注云寫卦示主人不言命筮者其實皆示經直言

命筮者以命筮人於卦吉凶審故據而言之是以主人  
下復告命筮與主人二人并告明與前不異也

經哭不踊若不從筮擇如初儀  
更擇地歸殯前北面哭而筮之

不踊  
易位而哭明非常疏曰朝夕哭當在阼階下西面今筮宅來歸北面哭者是易位非常故也

右筮宅

記筮宅冢人物土

物猶相也相其地可葬者乃營之相息

亮反

疏曰正經筮宅

不物土故記人言之云相

其地可葬者乃營之者凡葬皆先相乃筮之筮吉

乃掘坎今直云營之不兼筮宅者營之中兼筮故

經云筮宅冢人物土是使冢人物土乃筮者也

本經

記

葬於北方北首

疏曰葬於北方北首者鬼神尚幽闇往詣幽冥故也

殯時仍南首者孝子猶若其生不忍以神待之檀弓

如筮則史練冠長

衣以筮占者朝服

朝直遙反筮者筮宅也謂下

深衣之純以素也長衣練冠純也服也大夫士曰朝服以朝也疏曰如筮者謂下

大夫及士不合用卜故知用筮也卜時緇布冠麻衣布衰雜以吉凶之服如筮則練冠長衣筮輕故

用純凶服也占者朝服者卜重故占者皮弁筮輕故占者朝服筮者筮宅也謂下大夫及士也者以



士喪禮云筮宅卜日故知此筮謂筮宅也云長衣  
深衣之純以素也者長衣深衣其制同此經長衣  
是深衣之純以素者凶禮深衣純以素故云長衣深衣  
深衣亦純以布此經長衣純以素故云長衣深衣  
之純以素者也云長衣練冠純凶服也者以長衣  
則布衣純之以素也故聘禮云主人長衣練冠以  
受鄭注彼云長衣素純布衣是也練冠是小祥以  
後以練為冠都無吉象故云純凶服云大夫士日  
朝服以朝也者謂緇衣素裳諸侯之朝服每日視  
朝之服案士喪禮云族長涖卜及宗人吉服鄭注  
云吉服玄端也此占者朝服者彼謂士之卜禮故  
占者著玄端此據筮禮故占者朝服案士虞禮注  
云士之屬吏為其長卜弔服如麻此史練冠長衣  
者此經文公子大夫其臣為大夫以布帶繩屨故  
史練冠長衣若士之卜史當從  
弔服不得練冠長衣也 雜記

祔葬者不筮宅

宅葬地也前人葬  
既塋之小記

大司徒以本俗六安萬民二

曰族墳墓

族猶類也同宗者  
生相近死相迫

墓田不請

受於公  
民不得

私也請求也  
疏曰冢墓之地公家所  
給族葬有常不得輒請求餘處  
王制

既井椁主人西面拜工左還椁反位哭不踊婦人哭于

堂

還劉戶串反  
既已也匠人為椁刊治其材以井構  
於殯門外也反位拜位也既哭之則往施之窆中矣

主人還椁亦以既朝哭矣  
窆昌絹反  
疏曰檀弓云  
既殯旬而布材與明器注云木工宜乾腊則此云井椁

及明器之材布之已久豈今始獻材也  
但至此時將用  
故主人親看視既哭之則往施之窆中也  
匠人主木工

之事以匠人為椁刊治其材有功故主人拜  
之也下文獻材於殯門外則此亦在殯門外

右井椁

記既殯旬而布材與明器

注木工宜乾腊且豫成材

椁材也

疏曰既殯旬謂殯後十日班告布下賔葬明器之材或云布其木宜乾腊故豫

須暴之也

士雜木椁棺椁之間容甒不虞筐

詳見

檀弓

喪大記

有子問於曾子曰問喪於夫子乎

問喪或作聞喪

悉浪反下皆同後問此庶有異聞也

有子孔子弟子有若也夫子卒魯昭公孫於

齊曰喪人其何稱

曰聞之矣喪欲速貧死欲速朽有子曰

是非君子之言也

貧朽非人所欲

曾子曰參也聞諸夫子

也有子又曰是非君子之言也曾子曰參也與子

游聞之有子曰然然則夫子有為言之也曾子以  
斯言告於子游子游曰甚哉有子之言似夫子也  
昔者夫子居於宋見桓司馬自為石椁三年而不  
成桓司馬宋向戌之孫名魋夫子曰若是其靡也靡侈也死不如  
速朽之愈也死之欲速朽為桓司馬言之也南宮  
敬叔反必載寶而朝敬叔魯孟僖子之子仲孫閱蓋當失位去魯得反載其寶  
來朝於君夫子曰若是其貨也喪不如速貧之愈也喪  
之欲速貧為敬叔言之也曾子以子游之言告於

有子有子曰然吾固曰非夫子之言也曾子曰子

何以知之有子曰夫子制於中都四寸之棺五寸

之槨以斯知不欲速朽也

中都魯邑也孔子嘗為之宰為民作制孔子由

中都宰為司空由司空為司寇

昔者夫子失魯司寇將之荆

聘將應於

楚蓋先之以子夏又申之以冉有以斯知不欲速

貧也

言汲汲於仕得祿在定十四年之楚

疏曰案孔子世家失司寇在哀公六年其間年月甚

遠且失司寇之後嚮宋不嚮楚而云失魯司寇將

之荆亦是失司寇之後非謂失司寇之年即之荆也

檀弓 顏淵死顏路請

子之車以為之椁子曰才不才亦各言其子也鯉也死有棺而無槨吾不徒行以為之椁以吾從大

夫之後不可徒行也

集注曰胡氏曰孔子遇舊館人之喪曾脫驂以賻之矣今

乃不許顏路之請何耶葬可以無槨驂可以脫而復求大夫不可以徒行命車不可以與人而鬻諸市也且為所識窮乏者得我而勉強以副其意豈誠心與直道哉先進

獻材于殯門外西面北上綯主人徧視之如哭槨獻素

獻成亦如之

徧音遍形法定為

材明器之材視之亦拜工左還素飾治畢為成

疏曰明器之

材先獻之驗其堪否也云形法定為素飾治畢為成以其言素是未加飾之名明是形法定言成是就之名明

知飾治畢此明器須好故有獻法上  
樽材既多故不須獻直還觀之而已

右獻明器

既殯旬而布材與明器

詳見井  
樽條

竹

不成用瓦不成味木不成斲琴瑟張而不平筭筮

備而不和有鐘磬而無簨簴

詳見喪  
禮義

夏后氏用明

器殷人用祭器周人兼用之

同上

卜日既朝哭皆復外位卜人先奠龜于西塾上南首有

席楚煇置于焦在龜東

煇存悶反劉吐敦反又徒敦反  
又他昆反又音純焦劉哉約反

又祖堯反一作哉益反楚荆也荆煇所以鑽灼龜者  
焦炬也所以燃火者也周禮蕤氏掌共焦絜以待卜事

凡卜以明火藝燠遂灼其燠契以授卜師遂以役之  
鑽于官反一本作灼炬也音巨華時髓反掌共音恭挈  
本又作契若計反劉苦結反藝人悅反燠劉音俊又存  
悶反又子悶反疏曰荆本是草名以其與荆楚之荆  
名同故或言楚也古法鑽龜用荆謂之荆燎也燠炬也  
者謂存火者為炬亦用荆為之故云所以然火者也周  
禮華氏掌共燠挈以待卜事凡卜以明火藝燠遂灼其  
燠契以授卜師杜子春注云明火以陽燧取火於日將  
此明火以燒藝燠使然又將此燠契以柱於燠火吹之  
使燠以授卜師用作龜也燠讀為戈鑄之鑄者取其銳  
頭為之族長涖卜及宗人吉服立于門西東面南上占  
灼龜也

者三人在其南北上卜人及執燠席者在塾西

長丁文反涖音

利又音類族長有司掌族人親疎者也涖臨也吉服  
服玄端也占者三人掌玉兆瓦兆原兆者也在塾西者



南面東上疏曰言族長故知掌族人親疏也宗人直云吉服不言服名則祭服為吉服士之祭服玄端而已宗人掌禮之官著玄端則筮史亦服練冠長衣雜記所云是求吉故筮者不純凶也云占者三人掌玉兆瓦兆原兆者案周禮大卜掌三兆之法云兆者灼龜發於火其形可占者其象似玉瓦原之璽鑄是用名之焉上古以來作其法可用者有三原原田也杜子春云玉兆帝顓頊之兆瓦兆帝堯之兆原兆有周之兆此三兆者當代之別名及占之又體色墨圻之等故占人云君占體大夫占色史占墨卜人占圻注云體兆象色兆氣墨兆廣圻兆璽也體有吉凶色有善惡墨有大小圻有微明尊者視兆象而已卑者以次詳其餘也周公卜武王占之曰體王其無害凡卜體吉色善墨大圻明則逢吉是其不專據此三兆也云在塾西南面東上者以其取堂南行事明不得背之北面故闔東扉主婦立于其內知南面取近為尊故知東上也

扉門扉也席于闌西闕外闌魚列反闕音域劉呼逼反宗

人告事具主人北面免經左擁之洎卜即位于門東西

面洎卜族長也更西面當代主人命卜疏曰洎卜族

云當代主人命卜也卜人抱龜焦先奠龜西首焦在北既奠焦又

之疏曰云卜人抱龜焦者謂從塾上抱鄉闕外待也

先奠龜于席上乃復奠焦在龜北云既奠焦又執龜以

待之者先奠龜乃奠焦既奠焦又取龜執之宗人受卜

人龜示高凡卜法紫禮記云禎祥見乎龜之四體鄭注

云春占後左夏占前左秋占前右冬占後右今云腹甲

高者謂就龜之四體腹下之甲高起之處鑽之以示洎

也。洫卜受視反之宗人還少退受命。

受洫卜命授龜宜近受命宜卻也。

命曰哀子某來日卜葬其父某甫考降無有近悔。

近附之。

近考登也降下也言卜此日葬魂神上下得無近於咎悔者乎。疏曰云某甫者亦上孔甫之類某字也云。

魂神上下者揔指一切神無所偏指也云。咎悔者亦謂冢墓有所崩壞也。

許諾不述命還即

席西面坐命龜興授卜人龜負東扉。

宗人不述命亦士禮略凡卜述命命

龜異龜重威儀多也。負東扉侯龜之兆也。疏曰云宗人不述命亦士禮略者以少牢述命此云不述命故云。

士禮略云凡卜述命命龜異龜重威儀多也者言凡非一則大夫以上皆有述命述命與命龜異故知此不述

而有即席西面命龜若大夫已上有述命者自然與西面命龜異可知言凡卜述命命龜異龜重威儀多對筮

時述命筮同筮輕威儀少云俟龜之  
兆也者下文告于主婦主婦哭是也  
卜人坐作龜興

作猶灼也周禮卜人凡卜事示高揚火以作龜致其墨  
興起也疏曰周禮卜師凡卜揚火以作龜致其墨者

此據小事故不使  
大卜眠高作龜  
宗人受龜示涖卜涖卜受視反之宗

人退東面乃旅占卒不釋龜告于涖卜與主人占曰某

日從  
不釋龜復執之  
也古文曰為日  
授卜人龜告于主婦主婦哭  
不執

下主  
人也  
告于異爵者使人告于衆賓  
衆賓僚友不來者也  
疏曰上云既朝哭

皆復外位外位中有異爵卿大夫等故就位告  
之既言使人告明不在此故鄭云不來者也  
卜人徹

龜宗人告事畢主人經入哭如筮宅賓出拜送若不從

卜擇如初儀

右卜葬日 記大夫士庶人三月而葬王制 死三

日而殯三月而葬詳見卒哭祔練祥禫記 士三月而葬同上

凡卜筮日旬之外曰遠某日旬之內曰近某日

喪事先遠日吉事先近日喪事葬與練祥也吉事祭祀冠娶之屬也 疏

曰喪事葬與練祥是奪哀之義也非孝子之所欲但制不獲已故卜先從遠日而起示不宜急微伸孝心也宣八年左傳曰禮卜葬先遠日辟不懷也杜云懷思也辟不思親也此尊卑俱然曲禮

祝稱卜葬虞子孫曰哀夫曰乃兄弟曰某卜葬

其兄弟曰伯子某

祝之六反徐之又反稱昌升反徐尸證反疏曰謂卜葬擇日

而卜人祝龜所稱主人之辭也而云葬虞者虞用葬曰故并言葬虞也子孫曰哀者若子卜葬父則

祝辭稱云哀子某卜葬其父某甫若孫卜葬祖則祝辭稱云哀孫某卜葬其祖某甫若夫卜葬其妻

則祝辭云乃某卜葬其妻某氏乃者言之助也妻卑故假助句以明夫之尊也其弟為兄則祝辭云

某卜葬兄伯子某若兄為弟則云某卜葬其弟某兄弟稱名則子孫與夫皆稱名故鄭注於子孫通

稱名可知也雜記卜日吉告從于主婦主婦哭婦人皆

哭主婦升堂哭者皆止

事畢疏曰正經直云闔東扉主婦哭不云主婦升

堂哭者皆止之事故記明之云卜日吉告從于主婦主婦哭時堂上婦人皆哭主婦升堂堂上婦皆

止不哭  
本經記



儀禮經傳通解續卷二